


関書

百十一
百十二
百十三



漢書門類			
九〇七	三三	一〇三	四一
函	架	冊	冊

内閣文庫		漢書
九〇七	三三	函
一〇三	四一	冊
五	一	架

内閣文庫	
番 號	漢 9073
冊 數	40 (32)
函 號	292 86

百十三



綴じ部(喉部分)の文字等が開きが不鮮明な場所あり

閩書卷之一百十一

英舊志 縉紳

興化府 莆田縣七

皇朝

有傳

族子甫

甫子大治

治子文質

吳繹思

姚綿

吳清

從姪孫

陳音

楊琅

從子國本

吳宏密

吳希賢

曾孫三畏

林誠

族姪孫

曾瑤

林講

陳叔疇



林祥

李元

弟文利

陳純

子晦



閩書

卷之一百十一 英舊

興文

林正

黃璉

子講

丘山

曾孫秉文

從姪泰

方守

從弟彬

方珪

廖德徵

陳裕

黃芳

翁端

陳懋源

從孫伯獻

曾姪孫應魁

伯獻曾孫其志

吳仲珠

朱愷

弟梯

丁襄

梁璋

方維翰

吳球

李德美

黃節甫

從子榮

榮子謙

張澤

高俊

陳世顯

鄭光與

丘天祐

陳仁

鄭寶

周進隆

余徵

郭紀

陳謙山

林大霖

黃黍

方良永

弟良節

良永孫

攸績

良節孫攸躋

攸躋子

林鏃

黃瀾

黃相

子日敬

許璣

陳茂烈

林琨

李廷梧

子紳

陳深

王鏞

張廷槐

黃體行

吳大田

陳簧

第篋

馬思聰

子明衡

彭韶字鳳儀天順初進士授刑部主事成化初為員

外郎疏論僉都御史張岐不稱風紀請召用王竑李

秉葉盛忤旨下錦衣獄得釋尋進郎中韶司郎中為

廣東司司隸錦衣有所冒犯前後人多貸之韶守法

一無所撓京師姦民投獻真定武強等縣民田於慶

雲長寧二伯二伯故周太后弟有司不敢拒

為之籍羨民田有田者不服上使韶往度韶

環視周匝徑歸還奏曰真定古冀州城其賦為第一

或雜出為二等說者謂如周官田一易再易之類蓋

其地間有歲一收有兩歲一收者坐是賦有不同明

一畝必兼數畝未嘗逐畝定賦矣高皇帝初

平天下念山東河南繁於供給詔有草田任墾不科

宣英二廟軫念北京亦如高皇帝詔

令長寧伯所求有司不能白奏籍羨田應之臣履畝

其處見地有高下歲有旱潦旱時資下以補高潦時

資高以補下沿河者流徙不常蠲薄者積歲無獲率

皆截長補短取彼益此是以堯舜錯賦於前我

祖宗絕科於後即今徵歛繁興丁無游民尚賴顧

戀地業力耕粗給若計畝論畝餘奪為羨臣知非處

則徙耳真定近在畿內國家根本戚里功臣患不富

貴哉奚必廢國之根不與戚休爭民艱食利也臣前

到彼民扶老携幼遮道哀告不覺自失誠不忍履畝

奪小民衣食地望陛下特治臣罪開生於百

姓上怒曰使韶度田韶但如詔乃徑歸

其下錦衣獄科道官交章掾得釋俄有請荒田者

憲宗曰不見太后家請不得耶六年陞

雲南按察副使安岳扈氏焚滅劉姓一家二十一人
定遠曾氏殺其兄一家十有二人皆以疑獄久淹詔
一訊輒得十一年陞本司按察使鎮守雲南太監錢
能遣人進象沿途索賄鎖人象足非法拷刑詔上言
自古帝王不患娛心之不足惟憂德業之未隆是以
恭已勤儉綏遠賤用錢能屢貢寶石象馬禽鳥之類
近又進金燈號爲絕竒雖曰敬奉朝廷夫豈堯舜其
君以致萬里勞人承遣之徒狐假烏攫伏乞將前物
罷去嚴勅內外臣下敦素守法撫安夷民則遠人歌
舞聖治無疆十四年陞廣東左布政使時朝廷屢遣
中官採辦土物蜜煎果品藤絲雕漆器皿海味布疋
藥材銀鑲酒器等物韶屢有陳奏其後論太監梁芳
事忤旨調貴州梁芳廣東人貴用事爲其弟鎮撫德
請得自往來廣中備土貢所至給予船車人廩韶言
進貢土物言祖宗時亦有之然皆鎮守內臣見
珍竒之物服食四遠反於禁庭無繇嘗用以故依時
採入若其第姪家人等在臣庶自備進貢褻尊莫甚
昔唐時諸鎮進奉其後幕僚亦爾相踵史書譏之邇
廣東鎮守等官已各進貢今近侍家屬又許自行臣
恐法令日異利害別生班詔式止不悅芳從旁言韶

事事邀名方命徒以左班相左右得大官乃益無忌

上瞠之芳伏地叩首然竟坐調去吏部尚書

尹旻屢薦韶可大用尋以明年擢右副都御史巡撫

蘇松嘉湖等處二十一年以星變求言韶疏言更新

曰始成功曰終邇者歲暮正旦星變兩見歲暮功終

正旦新始善始如終天心仁示 陛下也昔魏

徵陳十漸之疏唐宗嘉納臣愚妄謂今日治毋他求

惟守成功之初足矣伏惟成化之初 陛下廢

立中官家禮嚴矣年來聞鎮守內臣貢獻 萬

貫皇妃位下或加中官 上又褒陞其家幾與

先帝時后家埒 陛下若俯念四海為

家之義少納臣子家眾之言以時裁正俾彝倫攸叙

而陰陽不調災害不弭未之有也此 陛下正

家之禮有未終者也成化之初內侍稀簡防微深矣

近大小名數漸增且以萬計利源兵柄多付其手違

禁犯科少有加罪求得請從 陛下久御明事

何不及此時斟酌裁省俾內外之務各還職守立制

傳後無使異日偏重勢成更張不得此 陛下

慮防之意有未終者也成化之初禁止天下貢獻儉

德著矣數年鎮守公差爭求珍異克貢茲又令獻方

物悉如天順三年以前例夫其名克貢奉實剝民財水陸勞擾人馬疲頓私室被恩公家歸怨誠無益也古人遇災皆欲減膳撤樂豈宜轉令爲此此

陛下持儉之德有未終者也成化之初保傅六卿未嘗輕授近年公卿輔臣無故輒加保傅寺監衙門多以高官兼掌及其致仕恩澤又予月米歲夫

陛下爲此無非所以禮大臣也然施於忠賢勞烈則人感人奮若泛行之孰不阿順從欲圖後寵哉此

陛下用人之道有未終者也臣聞因事爲功古人所貴鑒往慎來所謂謹始謹而勿失所謂善終書

曰終始惟一時乃日新又曰德日新萬邦惟懷此真

陛下大聖人事也時已召爲大理卿及是疏上道改右副都御史巡撫順天等處兼整飭薊北軍務韶復累有建白 孝宗卽位臣僚交薦韶與

王恕等人望所屬召爲刑部右侍郎元年嘉興百戶陳輔以私鹽坐罪因而作亂劫庫放囚兵部議浙江租稅甲天下有銀礦鹽場易以生盜宜勅京堂官員至彼緝捕巡視時以韶風力遂以命之韶追敗輔衆輔自刎死因劾罷守臣一人遂定既戶部言兩浙鹽法久壞因命韶兼都御史留治其年轉左韶清鹽

課有宿逋者酌其年歲久近量蠲與減復減處州及
 恭順縣礦課歲萬八百有奇裁革松陽宣平雲和三
 縣管場丞各一員皆從之事竣還朝圖進竈戶窮苦
 之狀凡八復條陳六事戶部覆議通行爲例從之詔
 復言近者災異求言臣方在外還朝見詔實爲驚惶
 臣但言臣所部事臣部問擬囚犯多發佐工運灰以
 備急繕近聞修浚河隍將待即吉游觀扮飭館宇以
 俟不時行幸臣部所追囚犯紙劄贓罰諸色雖非經
 費亦皆軍民膏血近聞取以供佛奉道臣誠恐行幸
 遊觀侈心萌而或入於聲色玩好供佛奉道怠心起
 而不究於脩齊治平

上納之明年轉吏部左

侍郎其冬彗星見詔問羣臣時政得失軍民利病詔
 復疏言四事其一言內臣出入左右人所畏憚言語
 輕重能爲禍福今兵馬倉儲盡付其手凡有章奏無
 不先允後下所部承行是名失政及至犯罪多從寬
 免有毆死人者竟不詰問或詰問成獄旋復宥之是
 名失刑政刑既失又復妄費不惟不禁且助成焉處
 者或給葬資在者或許蓋祠廣地第宅服食百凡踰
 制聲勢之盛於茲極矣伏望
 陛下公正以服
 其心勤明以折其氣上法
 祖宗朝綱獨斷褒

獎善良斥遠佞媚使事務歸於所司威福無從旁出
四年復言今百官日衆俸支不給設法補救猶恐無
方而比多有無功之人夤緣請謁授以千百戶等官
甚有乞恩承襲都指揮者或以修城微勞而陞匠官
或以傳奉罷革而遷良醫又有中書考滿超陞三級
者 陛下宜重名器惜廩祿勿謂小官爲可與
勿謂雜流爲無害 上並嘉納之其年陞刑部
尚書安遠侯柳景鎮守兩廣都御史秦紘發其贓以
萬計有旨逮問詔抵景于法景爲慶雲伯姻家欲挾
援傾紘詔力救之景追贓十之一其母奏乞

上下法司宥除詔奏昔唐宣宗元舅鄭光官租不入
京兆尹常澳械其莊吏宣宗欲寬之澳謂法行貧戶
致令不平徵足乃罷柳景無元舅之親贓賄非負租
之比十未及一反見宥除臣守法媿澳恐無以革汚
懲貪然景竟以慶雲故免五年監察御史彭程坐諫
皇壇事下錦衣獄久不釋詔言彭程監收光祿寺錢
糧坐論修齋器用得罪夫程爲御史諫乃其職但不
能極言本寺錢糧消乏所繇却遠引李孜省事致觸
聖懷傷念 先帝然其忠心可諒也臣

聞光祿寺支費泛濫錢糧缺少牲物槩行賒買舖行

往往逃竄及今不節善後實難仰惟朝廷清明臣等
 於此時忝備卿佐每歎為千載難逢但思四海之大
 日引月長民窮財盡又未嘗不惕然懼者乞令本寺
 籍記日用之數斷自

聖裁痛加節省更望

聖慈特赦程罪

上雖不允彭程之請亦

令光祿寺籍數以聞頃之亢旱詔問時政得失軍民
 利病詔條陳本部職掌四事居頃之以二子三孫相
 繼天下連疏乞休

上勉留再三乃允命乘傳

歸有司給月米歲夫居年餘卒贈太子少保諡惠安
 遣官諭祭營葬始詔為郎論囚常求生之至元奸宿

愆雖權貴交囑不火貸及居臺治大吏貪縱甚嚴小

官誤犯多所開釋巡撫南畿論者比於周忱其律已
 之嚴出納之慎則謂過之畿內中官典守皇莊聞詔
 為巡撫皆自禁戢而督耕戰嚴守備虜不敢窺邊為
 大司寇平反慎刑平生誠敬暮年名德益尊行旅走
 卒皆知詔名趨步儀狀繭然寒士郎時與何喬新同
 趣並為人推侍郎吏部時王恕為尚書皆以潔已奉
 公重後喬新恕相繼去詔遂乞休喬新之沒也林俊
 為江西都御史為請諡因言臣聞詔喬新少隸刑曹
 並名時選積官俱至尚書詔忠亮懿醇喬新貞方恭

慎儒術吏事兩所精究共學古人之清同任天下之重詔沒贈諡備加仰見 聖天子優寵至意但

文正忠節詔皆足當不審何取惠安之義不類詔平生無以服世信後乞下議更諡事雖不行士論當焉

詔所著有國朝名臣贊及莆陽成都志政訓等書子

濬舉人族子甫

莆志載庶吉士鄒智以危言傷時同湯爾等逮詔獄坐妖言論極刑公執

不判按智獄成時公正巡視浙江後人但見案牘無公判押遂以美公公名節之美固不借此一事為重而世第見公人品遂因影響以美公亦見君子之可為也

甫字原岳和粹朴厚自律甚嚴舉成化進士授南戶

部主事陞員外郎聚書萬卷公退據案疾讀至忘寢

食為文章典則雋永士多從學擢廣西按察僉事提

督學教不用糊名識士內艱制滿補湖廣以洗冤澤

物為已任至法所當按亦無貸詘劉瑾擅政賦壺南

招隱詩見志尋上疏乞休瑾惡之不俟部覆徑允致

仕瑾誅以寡援不復起子大治

大治字宜定舉正德進士授南戶部主事進郎中

武廟南巡大治當會計事節縮惟宜以才出知

揚州府閉關固鑄罷一切無名供費以法律馭豪右

雖貴勢干請屹然不撓坐為所中調知叙州洞蠻叛

督府署大治撫之大治親入山谷諭犒相率解甲羅

拜即時散歸外艱闋改知韶州操節矜嚴功最五嶺
陞長蘆運使竟卒於韶子文質

文質字在份嘉靖中進士授揭陽令縣方中倭文質
備禦有方擢戶部主事歷員外郎出守桂林剔積蠹
抑強宗郡無留獄治行爲西粵最連擢西粵副使叅
政時議征八寨從幕府以兵事問文質對曰兵者不
得已而用以弭亂綏民耳倘藉爲功伐非所知也幕
府歛容嘆服卽以督餉紀功委焉先是靖藩驕甚以
葬母妃故縱舍人子摻括竹木爲民害文質一切裁
之而又馭下凜凜以此被謗罷歸讀書談道環堵蕭

然不闕也彭自甫而下二世甲科並著清譽人以爲
難

吳繹思字思周宋叔告之後舉天順進士令德興同
知瑞州俱有惠政陞惠州知府屬邑有巨蠹怙勢虐
民法繩之守禦軍政爲上官所更張卒伍忿其不便
將爲變繹思諭之禍福皆羅拜丁內艱起復除潮州
海寇竊發躬率吏民激以忠義遂殲之陞浙江叅政
尋轉右布政使繹思丰神秀整孝敬樂易接鄉隣子
弟雖困倦未嘗不衣冠早以經學名及門多所造就
若戶部尚書周公經工部侍郎張公憲都御史汪公

奎皆佩服繹思而有用於世者

姚綿字懷遠教臨清率履動遵古人巡撫翁都御史

有夙好竟不為干謁臨清人重之

吳清字德清任麗水教諭改奉新凡十八年致仕忠

愨剛介世味淡然皓首未嘗釋卷年八十餘卒從第

承宗彭澤教諭承宗孫音

音字師夔授金壇教諭擢全椒知縣廉明慈愛關節

不通行取風憲官赴京為品中貴人排抑竟陞寧海

知州隨罷歸襟懷洒落絕一言貧

陳音字師韶宋明州觀察卒音成化初為編修

翰林院庶吉士仕至南太常卿卒音成化初為編修

時修撰羅倫諫官王徽等以言事先後貶斥中外結

舌音上疏近年災異屢見雨暘愆期臣備員論思敢

竭愚慮竊見陛下春秋二時雖間御經筵然

勢分尊嚴上有疑未嘗問下有見不敢陳願於退朝

之暇擇一二儒臣有學行者引對便殿少霽天威有

疑輒問務使聖心渙然而止方今人才日降

言路日塞異端日熾宜召還致仕吏部尚書李秉修

撰羅倫編修張元禎評事章懋給事中王徽新會舉

人陳憲章置之臺諫革去法王佛子真人位號禁止

創建寺觀則正人用言路開妖妄息不報其為侍講
 時司禮監黃賜母歿省寺監院無弗吊祭獨翰林未
 之詣也徐侍講瓊言于衆曰時且如此獨得不往衆
 或應或默音艷然曰堂堂翰林相率拜內臣之門天
 下謂何斯文謂何詞氣憤激聲淚俱下言者大沮西
 廠初建太監汪直方用事其爪牙常瑛夜率邏尉入
 兵部郎楊仕儒家収縛拷掠及其妻屬音與比居登
 墉大呵曰爾何人敢擅辱朝官其人曰爾何人也而
 呵西廠音曰我翰林侍講陳某也國無章乎而敢爾
 尉亦稍戢矣其為太常少卿大學士劉吉奪情起復

音移書止之吉不悅其後當路有缺吏部擬音輒為

吉所沮曰陳某腐儒也遲遲九年乃得進卿尋卒音
 耽書覃思恒忘外務事無大小不訾省輒曰也罷人
 稱也罷先生他日欲訪客輿人問所往輒曰去去輿
 人周迴道上不知其所竟昇歸家人門見其妻曰汝
 何為來此世人以與比齊劉臻相配其在翰林時偕
 同館携酒翫月長安道李文正閣老入朝過之音邀
 文正下車痛飲乃別翰林以為美談孫須樂事母孝
 以長者稱終常州教諭

楊琅字朝重舉天順鄉試第一登進士授監察御史

憲廟登極詔書停罷鎮守內臣中外欣悅既
 改元有貢獻希復者琅極言內臣不可預政倖門不
 可輕啓復與陳恭愍選論劾兵部尚書馬昂翰林學
 士倪謙請起前兵部尚書王竑召還給事中王徽修
 撰羅倫等俱不報時號敢言御史出按江浙二藩靜
 重不苛擢山東按察僉事提調學教適歲歉癘疫大
 作巡撫大臣以地廣民饑命琅與藩臬分道出賑琅
 精心受事行至東阿染疾既革自起更衣冠端坐舟
 中乃卒諸生哀感醵賻以歸琅居家孝友蒞官端介
 篤學善文兼工書法從子國本

國本字在培教諭博羅和平接士貧者周之督學令
 疏不律生徒國本第列其有行誼者以進人稱長者

遷威州知州

吳宏密任處州府學教授善訓士士念之

吳希賢字汝賢唐屯田員外郎祭之後選翰林庶吉
 士同年李東陽少有英譽希賢才思敏贍獨與相角
 授簡討預修

英廟實錄有貴家子寇姓者密
 以賄丐希賢藻飾其父希賢曰吾將見董狐地下進
 修撰陞左春坊左諭德南京翰林侍讀學士卒於官
 希賢負奇少許可爲所可恒口不置爲文意新語壯

每僚友宴集成聯句成分韻頃刻累數百言同官太倉吳鈇贈之詩曰汝賢與鈇爲同宗文采照耀珊瑚叢鈇也無似真凡蒙駑駘鈍足其後從其爲時輩推服如此姪彰德官御史僉事有才名曾孫三畏

三畏字曰寅知岷縣岷故無城城自三畏始其始作時倭寇克斥倉皇拮据乘夜作治工及半寇從天台來望見炬燎焰天呼噪不絕以爲屯兵遂宵遁既成城賊復至登陴守禦竟以亡害

林誠字貴實宋侍郎彬裔天順進士授監察御史成化四年因星變與諸御史給事中董旻胡深等論劾大學士商輅禮部尚書姚夔兵部尚書程信

上留輅等輅等不自安各上章求退而夔奏詞多詆旻等旻等復攻夔 上震怒命錦衣衛三法司

執旻等廷鞫之誠復言商輅當郟郟廢儲之際不能正救今復起用不合人心是以臣等具有論列臣言不用臣病甚不可居職請罷免 上曰唐太宗用王珪魏徵朕用商輅有何不可而屢屢奏擾亦命廷鞫之遂與旻等並逮杖復官未幾奉命按視河道疏言六事明年奉勅提學京畿令所在立豫讓廟曰是爲人臣而不以存亡易心者其意尚爲郟郟廢儲

大臣阿意者發謝病歸養母家居十年當道愛其才
屢檄起之成化十九年賜原職命理兩浙鹽政適初
春地震馳上弭災十事不報至浙鋤奸豪華宿弊齷
法一清老吏謂百年來無此御史也二十年再陳八
事大槩皆疏通鹽政以紓國家之急咸見采納以疾
告歸誠蒞官明達吏事精勤有所弛張皆切時弊凡
事人所難爲者一切易之都御史滕昭屢揚於朝曰
以六察官而舉都憲職林某耳子近龍任監察御史
嘗疏發逆濠營建及大學士靳貴柄文鬻賄二事陞
廣西按察僉事子鍾榮孫彥光俱歲貢彥光工詞賦
族姪華

華字積中一字廷彬嘉靖進士爲刑部員外郎坐爲
主事時皇親張鶴齡下獄禁繫不嚴謫六安州同知
巡按及督學檄諸生師華建岳麓書院命主之著岳
麓口義十卷量移長沙同知尋擢鎮江知府勢豪擅
洲田民羣訴久不決華斷爲公庄富民殺人賄獄時
宰夏言亦以獄囑華立斷成案言恚華嗾按史誣奏
華激變逮繫詔獄發鎮江哭送幾萬人逮者愕眙且
咲曰是真激變矣至京上奏自理 世宗疑之
諸貴人亦多言華枉於是罷爲編氓郡人立華生祠

家居十七載簡靜寡合巡按御史連薦之

曾瑤字一白成化舉人仕南國子監學正起復赴京會御史彭程言事論死首論救之復補學正陞南國子監丞與祭酒不合乞致仕吏部留之竟爲祭酒擠歸

林講字尚友知連州歸無厚貲以先業讓弟

陳叔疇字孟儀成化初舉人事母至孝十年不赴春闈終周府長史加四品服

林祥字世祥以乙榜教諭博羅滿九載諸生立祠學宮題其柱曰先生真白日後學仰清風吏部試優等當得令懇辭遷饒州教授復九載諸生請淮王爲文碑之學宮覆碑以亭顏曰思服遷國子助教與館下士講解不倦會淮府缺長史王重其人奏乞補之未幾王薨世子幼祥盡心匡輔以年勞陞四品告老歸祥敦慎好禮在官五鼓必興盛暑不廢冠裳饒庠時嘗召工鍛一銀器將以奉所尊工侵盜將半僕究詰之祥遺之雞米使去戒僕曰若露其惡誰復任之彼藝絕矣

李元字乾伯父瑩成化初以經明行脩應辟元以鄉薦乙榜授東莞教諭與於問學模範端恪擢廬江知

縣守入覲弗忍歛民以賄守讒之罷歸嗣是令屢更
民屢困父老益思元元安貧好學老不改操汲引後
進後賴其知名年九十四卒莆人以與黃僉事榮廖
僉事德徵李叅軍純稱一時清貧先輩後人衰替殊
可憫惻

文利字乾遂歷桂陽教諭思南教授所著有律呂元
聲兄元爲序曰樂者古昔聖帝明王所甚重也至周
情文大備律呂度數人人習知秦去周末遠猶有存
者六籍旣焚樂經淪喪其制遂亡漢儒掇拾煨燼莫
知適從河間獻王與毛生共採周官及言樂事者以
作樂記亦不言制樂之度至司馬遷止因九寸之文
遂以九寸爲黃鍾之管不知爲黃鍾之變積數之極
也漢解亦以變數之極爲準非黃鍾之始也孰悟子
月一陽之始可以九寸之老當之乎歷晉魏周齊隋
唐五季議者愈多而法愈亂宋建隆之後雖亦致意
而和峴胡瑗阮逸李照范鎮魏漢津劉几楊傑之議
終不能相一至蔡季通雖稱近世所未講無一字不
本於古人已試成法然以九分爲寸變律半聲三分
損益上生下生務尋隔八仲呂而窮往而不返甚爲
未當大抵踵遷之失余第兩山文利雅好古樂力搜

遠取乃得劉恕通鑑外紀長孫無忌隋志呂氏春秋
所載黃帝命伶倫取竹制律斷兩節間三寸九分而
吹之以爲黃鍾之宮曰含少因而究之積以歲月推
原本根條理通貫清濁攸序始終相生天人之道昭
合無間遂以三分九寸爲黃鍾一陽之始積滿九寸
爲蕤賓老陽之極二律爲經十律爲緯左右對待俱
得數一百二十九分三分損益隔八分相生案圖可
定非襲儒先之舊業實得天數之自然劉恕無忌能
存度於羣迷之時豈心有所見而獨得耶抑天惜樂
之二特存其迹以待知者復之歟顧續史者反刪而
以九寸爲黃鍾之真棄此而不之究可嘆也是書作
於桂陽教授思南猶未脫稿病劇命姪岳清錄之甫
成而逝乃絕筆也倘得識樂君子相與議之究此聲
氣之元太古之樂可復太和之治可致而余第一得
之愚不虛矣楊廉稱文利所著書天授獨見嘉靖御
史范永鑾以聞於朝惜鮮通其解者

陳純字則和任定海教諭師式先賢範模後學署縣
數月衆務畢舉民不煩擾卒官士民祀之賢祠子晦
晦字待徵累官江西叅政以忤中官劉瑾致仕與林
俊陳茂烈張元紳善文章政事推重一時



林正字克全成化進士授監察御史巡視山東河道
 直隸濬湮自山東直抵儀真植柳兩岸堤岸盡固減
 椿芻價以蘇民梁支流以通渡巡按蘇松常鎮四郡
 繩違雪枉有丹陽令善結權要正嚴按之權要交口
 救解不恤也繼按廣東首詢民瘼輒形於詩曰鳳鸞
 自古高鷹隼郡邑于今尚繭絲豪黠之吏方聞風歛
 迹遽卒於官

黃璉字汝器成化進士授南戶科給事中木訥簡野
 退然若農家先是進士偉儀觀音吐洪亮無南語則
 選給事璉不合為給事以才望擇汪直檀柄王越相

倚為姦利璉率科道極言

憲宗逐二人連其

黨以盡陞浙江叅議提督溫處銀冶鑛故竭率輸自
 民以糧為差新鑛間一出盜盤據之民重驚擾璉曰
 鑛地利也不輸自地輸諸民天下皆治也獨溫處哉
 且新鑛徒餌盜奚功國與民遂擒其魁散其徒疏言
 罷課塞鑛

上可之改雲南叅政貴州連為貴

州左右布政普安土知州歿妻朱魯謀自襲毒殺其
 庶子生事者急之魯遂為變及疏自直官多被誣辱
 獨不排璉一句卒于官嘗曰人須自立忠信廉謹吾
 事也升落毀譽吾寧知之居官幾四十年田不頃增

屋仍舊隘季子講
 講字彥通正德辛巳以貢授淳安訓導提學萬潮重
 其學行即會城建萬松書院擇兩浙雋士百餘人檄
 教之薦陞南國子典簿不樂其職乞改外庠未得命
 卒講孝友廉約父遺之川扇一握至老如新遺命曰
 必以殉兄詢發地得金曰此或先人所遺請分之講
 曰先人廉安得有此且在兄居室之界固辭不受其
 卒也門人為殯殮祭酒林文脩率僚屬賻之乃得歸
 喪

丘山字安重知瑞安縣捕治老猾豪置之法嚴禁溺
 女教以婚嫁之宜以革奢風以旌異擢監察御史奉
 勅清理兩廣軍政遠惡州郡無不身涉從容逮踐根
 究始卒親與定奪軍民交口稱便巡按應天被璽書
 恤刑並寬嚴得中獄無冤濫滿九載擢雲南按察副
 使致仕山少慕元儒盧齊韓之為人諷其遺編甚習
 有所吟作類其格調而興致尤遠雅妙書法刻石崖
 州大忠祠一時重之子茂樸教諭德平嘗上革弊安
 民疏仕淳安知縣孫茂中正德進士至河南右布政
 使凝重簡默蒞事詳慎曾孫秉文從姪泰
 秉文字鳴周嘉靖進士初除永嘉令以憂歸補長興

遷刑部主事車駕郎楊繼盛論劾分宜相嵩語連裕
景二王 世宗大怒繫獄論劾分宜密諭西曹

郎若繼盛者屢秉文獨厚遇之李蕭愍默為太宰以
此奇秉文奏遷光祿丞給事中楊允繩劾奏寺丞胡
膏黷貨諸不法狀膏遂奏允繩謫 上齋黷妄

費出草示秉文面折之曰君疏辯誣足矣何至
以謾詞干 主上倘不測如國體何膏銜之已

允繩竟坐膏劾論從而膏大不齒於士論居亡何李
蕭愍默亦坐誣逮繫分宜相于世蕃遂指秉文為李

黨因以天變罷免秉文官秉文曰吾受知李太宰太
宰坐繫而尚覩然長安道罷後矣歸結社談詩語及

時事憤憤也

泰字守嚴父諒山從兄也景泰舉人繫縣知縣泰舉
進士令新寧剛明而斷平讞滯獄境內肅然盜賊屏
跡

方守字宜約年十八舉鄉薦以進士為戶部郎兩奉
勅督理薊永山海延寧等處邊餉一絲不染積資當
擢京堂僅出為雲南叅政其部長不能平以質家宰
王端毅恕端毅曰豈不知方耶雲南萬里荒外官解
弛魚肉其民夷故用楊巡撫林憲副今又用方將更

化于是楊者陽城繼宗林者貞肅俊也守與貞肅同在雲南修明要束拊循蠻夷每自夷中歸夷屬火伍數千走送羅拜而別或問之曰向撫夷至雞犬不寧今官兵不敢近吾家是以遠送轉湖廣右布政致仕舊業日落貸里富人又且不常得人曰二品官如是也耶故村居也時入城而諸公延款之一日寒甚酒數行輒先去主人不能強許之已乃知其一子偶僕夫昇守以來深為驚歎戶部主事陳仁嘗疏請優卹其卒也貞肅聞於當道助治其喪子彥廣東長樂知縣循良撫字有父風第憲以進士任新昌原武二縣卒官亦囊橐蕭然從弟彬

彬成化中進士授工部主事不屈於內臣汪直竟被擄拾逮繫弘治改元王端毅恕疏舉剛直十餘人彬與焉

方珪字純潔成化進士選翰林庶吉士授御史巡蘇松常鎮及兩浙鹽課錢學士溥其子昂鬻販私鹽巡撫都御史畢亨檄蘇州府為之給民倍收其價珪置溥子于理因劾學士貪利蠹法都御史附勢剝民知府朋奸不職乞並處治巡按真定諸郡革貪利刻弊政輦轂下無敢干以私者卒於官珪與林正同時為

御史並有志操而正年四十一珪年三十三士論惜之弟璋進士珊鄉薦姪孫夢龍鄉薦才質敏博意氣豪邁

廖德徵名珠以字行世澄坂農家且耕且讀遂第進士授大理評事服內艱忍貧匿晦耨疇時斗笠草衣偕羣農荷畚鍤輦糞壤星言南畝村叟畦丁迄不知有廖評事服除如京要人問家政德徵對盡甚在坐吐出舌都御史宋英中貴人交惡成獄德徵辯雪之轉寺副寺正專慮刑書蓄勞成疾醫諷調攝曰近且食肉曰幾何曰曰而四兩醫詒曰果盡曰損惠兒子幾半醫嗟嘆涕出赴湖南按察僉事道出揚州妻括簪珥市棺衾弗辦揚州守為之殯從姪雲龍任武選郎却債帥金忤大司馬陞潯州知府

陳裕字孟寬今廣信永豐為江右窮邑民淳可化導裕開心任直民曉以愛裕於鄉之姓名物力良窳賦役重輕差解遠近拍掌配別人樂承受無有紛譁貧極下戶措置儲贖稍資給之強梁賊蠹鋤其泰甚他無久繫之獄與慘毒之政訟牒不出境水旱不踰時民間陳穀橐積數年不以動餘物稱是上司行部至邑無一事可問貴溪都御史高明每歎曰陳令一府



六邑之長也亡何卒
 黃芳字體芬弘治初令雲和才識通敏決獄如流疏
 堰河以溉田修學校以養士遷知遂昌學舍城門皆
 其創建督急葬禁佛事搜隱田糧罷征商稅擢太僕
 寺丞

翁端字正甫一字端伯掌教新建勤其官鄰郡來學
 以百計縉紳諸公並嚴之二三典文衡陞國子助教卒
 有千里致奠捐俸為置墓田者

陳懋源成化進士謹慎沉默知武義縣革健訟禁淹
 女築長堤以捍水患陞刑部郎中從姪伯獻曾姪孫
 應魁伯獻曾孫其志

伯獻字惇賢弘治中進士為南京吏科給事中疏逆
 璫罪狀出為提學副使未幾以母老乞歸伯獻韻致
 才華翩翩絕俗文追南豐畫宗摩詰所著有峯湖集
 若干卷曾孫其志

應魁字孚元嘉靖中甲角登第歷工部郎在部十餘
 年嘉譽流聞為禮闈同考官所得皆名士出為浙江
 副使有督兵勦倭功

其志字公衡萬曆中進士始令永嘉愷悌愛人衛承
 芳為溫州守特器重之丁外艱補奉化調長洲長洲

故衝煩縣其志治辦無休歇又以其間延接吳士之
能文者海內騷人墨客皆與倒履爲盡以治行徵有
擠之者竟授南戶部主事已改南兵部旋改南吏部
丁內艱起補禮部精膳郎中疏言副院萬世德才第
可治邊不宜內臺坐謫河池州同知歸而講孔孟之
學亡何卒

吳仲珠字淳夫少精學業踈於世故知義烏縣以公
錢助喪爲御史所按嘆曰士何往不自得哉家居授
徒自給經傳奧語一經剖發士暢指歸海內多知其

名

朱愷字舜徵父煜見常布愷成化進士任馬湖知府
樂易誠篤馬湖夷俗多跳梁愷靜鎮之民夷咸德第
悌

悌字舜敬成化進士授行人遷南御史時有真武士
木銅鼓畫工諸命率同官疏罷之京尹有同僚不協
而閔選曹有簠簋不飾者並疏出之士論稱快陞浙
江按察僉事廉直稜厲觸暑行按事無日夜竟卒妻
子不能自存

丁襄字叔贊授平樂同知文學知名興起士類尤通
達治體有釐汰舉行皆因俗潤澤之劉忠宣大夏爲

督撫薦其才擢程番知府

梁璋字允培國子助教講義甚精居官清貧爲當時
推重

方維翰字邦哲池州教授棄官養母事兄甚恭人無
間言

吳球字玉甫自博羅知縣徵入爲御史陞雲南僉事
以禮教革夷習薦擢兵備副使撫禦有恩威三年報
政民爭留不得爲立生祠祀之時逆瑾亂政乞致仕
歸

李德美舉進士知冀州多才謹守修廢補墜省災恤
衆勸善興學州故築土爲城環城東北有渠以洩滹
沱衝諸水每雨急水溢渠不時洩則城爲所浸久益
圯壬寅夏六月雨水大至城自北門迤東至于南門
壞者二千二百餘丈州人恟懼哀泣德美出諭民曰
吾在毋恐乃柵水畚土甃瓦石以蔽水衝水小却廻
薄于西門門且壞德美露頂跣足顙天而號忽有棲
苴數百乘流下比及門覆上下墜若與會者於是木
石可藉而施水不得入乃徐決渠澮以殺其勢越三
日而水去民相賀曰活我者李侯也癸卯之春沮溺
未平德美議修復會物計費經畧旣定告于部使府

長下合州中帥丁男五千餘人俾就役事斷柁榆諸木坎而縻之芻土瓦甃以次而下下廣上綱屬于故垣樓櫓睥睨俱崇並峙遂嶷然為完城李文正東陽為之撰全城記冀人至今稱福建李云官至兩廣僉事

黃節甫字大節唐桂州刺史彥之裔醇謹精經術舉進士授行人疏乞終養授徒養母母終復除司正從子榮

榮字儼仁以南京刑部郎出為浙江按察僉事司典水利濬杭州運河自江干抵北關九十餘里以便轉餉其濬河時多削豪右侵地豪右陰齟齬之遂罷歸日與吳方伯繹思魏道州時敏開東井詩社濁醪春韭陶然自適卒之日殯事不給第華為治之華仕廣東按察僉事

謙字亨夫華曾孫也父必大臨高知縣質行醇謹謙嘉靖進士刑部右給事中為人慷慨多奇節詩文典贍王奉常世懋督閩學與定交焉有萬玉山房橐張澤字朝雨仕潮陽教諭祀名宦祠天性孝友安貧守道

高俊字士偉一字世甫授肇慶府教授在事清勤日

與諸生講解經義勉以爲己之學諸生饋固卻之曰
吾職未稱何以此爲陞衡州府推官卒孫昭孝友行
誼族戚推重授德慶知州俄卒

陳世顯弘治間知青田縣巡按御史入境案覈錢糧
數缺問世顯世顯曰催科政拙請自坐罪巡按以爲
抗已誣世顯別罪繫之獄世顯從容就繫巡按出境
合邑老稚夾溪呼叫白其撫字狀巡按曰令乃爾出
之在任五年致政歸單舟老僕宦篋蕭然

鄭光與字以祿歷天台知縣公廉勤慎聽訟明決賦
役均平導民先孝弟教士本德行盡職當爲不顧上
喜怒求心無媿不卹身安危請托不遂者造謗揭之
乞致仕邑民齋咨涕洟如失慈母

丘天祐字恒吉祖添德見閭巷天祐登成化進士授
瑞安令改饒平廉能茂著官輿有芝產之瑞秩滿授
監察御史彈劾不避權貴威寧伯王越附事中貴人
汪直啓釁榆林已褫爵矣復附中貴人李廣引復都
御史總制三邊仍綰院篆天祐率同列抗疏極言其
畧曰爵賞予奪人主操柄也出於公則治出於私則
亂出於臺閣則爲公出於近侍則爲私忤旨廷杖六
十下錦衣獄尋得釋又連劾廣恃權縱恣賍賄狼藉

未報而清寧宮災廣飲鳩必天祐與給事中華杲共
檢廣貲數十百萬疏籍沒之巡按廣西復按南北畿
郡故事江南常場歲遣巨鎰一人往覈實多賈怨於
民天祐疏止之繇是常場事權盡歸工部居臺凡十
三年以疾乞歸曾孫憲周萬曆乙酉鄉薦有文行未
官卒姪孫其仁正德進士郎戶部議禮廷杖守潮有
聲

陳仁字子居中成化解首登第授戶部主事歷郎中
畢力學問明習國計闕里災疏重脩省闢異端抑奔
競禁奢侈振士風收人心端教化正風俗禮部災疏
早朝勤政宣決章奏訓養東宮進君子退小人節齋
醮嚴備邊又疏雪冤獄舒忠憤罷江南織造復御史
彭程官給事林廷玉補外勿遣又疏致仕布政林同
蔣雲漢方守知府潘琴宜優異妖僧領占竹緣內降
宜勿取陝西守臣進古璽又疏其僞且謂果秦璽亦
亡國廢物宜毀勿留 孝廟多所嘉納正德初
部尚書韓文倡伏闕請誅嬖閹逆瑾怒中之力文致
仁誤落三官并落韓以去同知禹州轉知汝州遷南
兵部員外方是時政如束濕諸司易守爲全身遠害
之計仁委而任之以故無失常比瑾誅擢浙江提學

副使轉本省叅政以疾乞休進秩本司右布政使命未下卒李夢陽稱仁人品道德足爲天下喜幸非與世浮沉者

鄭寶字時琮教諭博羅遷鬱林州同知檄署北流縣賊徒李通寶等聚黨千餘攻劫縣治列柵五里許更月餘不去寶經畧庫藏案牘選勁卒百餘從間道護至州遂督兵出戰數陷堅身被十餘創死子圭遙見父戰不利輒躍馬與從奴十餘人馳救亦被創父子同日死而從奴皆亡事聞贈本州知州廕一子

周進隆字紹立父坦鄞縣教諭淳樸績學進隆舉進士授紹興府推官解諸暨邊家之寃餘姚人爭草場築界之民號周塘入爲御史蹇諤有威稜終廣西左布政使子大柱武城教諭文行推重終德慶州知州

余徵字宏貴官戶部主事中年解綬屏跡授徒自給尚書彭韶以女妻其子

郭紀字思脩海陽教諭志尚貞雅造就後進潮士稱重

陳謙山字景重程鄉知縣事母至孝宦俸公諸弟不私一錢鄉人稱之

林大霖字時雨弘治舉人訓導餘姚教諭長沙南昌
謹敕儼恪敦本明經誨誘不倦士各自得令仁化弭
盜安民擢守信陽州州人御史馬錄稱曰古循吏年
八十四終姪培國子博士培子建邦萬年知縣抗禮
宗藩終承天通判莆人稱其孝友

黃叅字有成任餘干訓導陞宣平教諭餘干志載其
端矩勤訓括蒼志載其學優教篤既滿宣平士子請
留復任三年

方良永字壽卿授刑部主事轉員外郎擢廣東按察
僉事瓊賊符南蛇作亂衆至四萬守吏多棄城走良
永慨然請行時劉大夏總督兩廣遂委攝海南兵備
良永統所部兵紀律嚴明他軍莫及比及三載縛其
元兇前後擒斬二千百有奇所獲生口牛馬器械稱
是尋推補爲真丁父憂服除赴補時

武廟不

朝逆瑾用事外官朝見畢必謁瑾又候謁其私第至
匍伏拜跪良永入朝鴻臚導詣左順門叩頭畢即今
東向揖瑾良永徑趨出瑾固銜之至旅寓或勸循例
謁瑾者良永曰身可死官可棄禮不可屈也瑾益怒
及吏部除補河南信陽等處兵備撫民僉事瑾從中
下旨曰是官非額設者良永敢營求謀補着令致仕

去良永去瑾怒未已會海南有愬人命事欲用此中
良永遂奏遣錦衣千戶刑部郎中各一員往勘之郎
中周敏力明良永無罪乃免瑾誅起爲湖廣按察副
使藍鄔諸賊寇蜀兩省動兵時洪鍾爲總制林俊爲
巡撫促赴軍門詳議藍鄔平良永贊畫爲多河南劇
賊趙璲敗走湖湘間削髮自匿良永計擒之擢廣西
按察使巡按御史某挾勢多爲不法良永率二司暴
其奸御史遜去進山東右布政轉浙江左布政倖臣
錢寧遣僕鬻鈔于浙索銀三萬餘同官與鎮守太監
謀欲仰取於民良永諍不得疏乞致仕不允而寧趣
價益急良永疏言臣待罪承宣自慚無補偶有所激
不忍緘默固知事涉權貴言出禍隨然竊計脂膏之
罪重于強賂一身患害輕於萬姓荼毒敢昧死言之
臣惟民者邦本財者民心國家賦盡出東南浙居其
半故愛國必愛民愛民必愛財而浙之民之財則尤
當愛以惜也謹按錢寧出身廝賤其爲民養
陛下假以義子之寵躋諸公侯之列勢傾中外富擬
封君其尊之也至矣計寧粉身碎骨以圖補稱尚不
能萬分一乃敢攫取民財戕賊邦本有司追價急於
星火夤緣爲奸倍而又倍推膚剝髓大不堪命天門

萬里相與赴愬監司監司欲言未果今四方羣盜甫息瘡痍未濯邊塞多虞餽餉不繼浙東西諸郡自冬徂春雨雹為災蠶麥不和待哺之民嗷嗷千里何等時也臣此時隱忍不為

陛下

陛下

陛下

陛下

陛下

陛下

陛下

陛下

陛下

陛下

陛下

陛下

陛下

陛下

陛下

永曰是欲牢籠我耳復乞致仕吏部覆允始良永草
疏妻子無知者既行旬日乃露意於鎮守輩咸失色
驚愕既反愧謝因緩徵價僚友及浙中士大夫走賀
曰近五六十年無此疏也 世廟登極用言官

薦擢都御史撫治鄖陽等處尋廷推提督操江又推
兵部侍郎而良永復以母老乞終養疏請者再

上重違其意乃許侍養家居言官部使者奏薦無
虛歲最末御史姚鏞請於常格之外顯示褒獎吏
部尚書喬宇戶部尚書孫交言良永居官素謹家無
贏餘且依廉官侍郎潘禮孝養御史陳茂烈例月賜
食米詔有司月給米三石辭免不允久之母卒

上聞遣官諭祭命有司營葬大臣未任授恩又以
廉孝賜月米皆一時異數也服除命總理糧儲兼巡
撫應天等府地方行抵衢疾作連疏乞休溫旨勉留
再推南刑部尚書而良永卒矣計聞賜祭葬諡簡肅
第良節子重杰重恩重杰見帛布重恩子攸績

良節字介卿正德初知歸善縣爲縣人蠲減徭役有
巨璫擅威索賄所至奉之良節屹然不動會省討賊
之役良節備餉一意安民民遂協力平賊嘗築拱北
南隱榕了三堤捍西湖水浚池甃石鎮湖之流闢城

西關引湖環而東注又大修學舍飭會英諸祠人士
嚮風累遷廣東左布政使與兄及從孫璘同時領方
岳時人榮焉子重熙重耿重熙有雅量重耿有俊才
先後領鄉薦卒孫叔猷攸躋攸賓叔猷饒州通判恬
靜守禮攸躋見下攸賓工部司務

攸績歷四川左布政蒞官崇大體不爲巉刻媿阿家
居持身簡素飲人以和

攸躋字君敬令順德清慎愛民歲饑勸賑有法攬江
盜起計獲之遷南戶部主事振武營兵變殺黃侍郎

懋官攸躋亦坐免歸闔戶著書不預外事子沆

沆字子及授全州知州歷南戶刑二部郎中督學雲

南中讒家食者久之復起寧州知州久之累疏乞歸
以湖廣僉事致仕沆仕宦沉淪嘗作海上天隨生夢
覺說以自解自言通籍三十餘年坦衷獨立無罪見
放者再綰符方州者三所至以全安教化爲名高不
習曲跽擎拳態當路大夫察舉廉平薦書相屬而生
猥浮慕行古之道時心語曰舉人公朝拜恩私室諸
大夫不其然是以謝一切竿牘苞苴毋敢屑越爲知
已虛所著倚蘭堂集二十卷豫章喻均序之曰子及
天才秀逸所爲文下筆娓娓若江波淪漣春卉蒼蔚

第就詩文並論詩侶勝其所為詩上沿六朝中摛三
 唐若秋山吐色靜女揚蛾第就諸體並論五言似勝
 其所為五言意超象外情寄景中若冰瑩玉壺月映
 寒潭第就五言並論郎白下時似勝白下之詩不佞
 謂其追踪王孟卻視錢劉而殘墨敗毫亦足孕育近
 代高子業餘于鹿鹿不足道也

林鏗字朝資弘治舉人任樂清教諭謹厚方嚴教先
 禮義諸生皆敦行力學遵其程課多著名當世終廬
 州教授

黃闌字源續少治經業工力倍人讀書太學為祭酒
 丘文莊所器從游者常數百人第弘治進士選庶吉
 士授翰林編修以母老告歸十餘年母終復起克經
 筵講官講論語尚書進戒佚遊遠佞人等語

武廟改容嘉納轉國子司業遷南京翰林侍讀學士
 乞致仕瀾學問淵永儀度閑雅寡嗜慾恬仕進子肯
 堂鄉薦有敏名早卒孫洪毗擅才藻歷官南提學御
 史江西按察副使

黃相字弼甫弘治進士任南戶部郎中起復至京以
 不謁劉瑾矯旨罰俸隨謫浙江市舶提舉時瑾黨
 方熾有偽官校訪事兩浙者相獨按其偽瑾誅始拜

九江守自免歸子日敬

日敬正德舉人為人峻整古道自持今崇仁值旱甚步禱山川斥輿蓋不御尋大雨如澍革坊里直費廉豪譎置之法值內艱歸鬻婢女為資斧邑人士見德若庚桑之在畏壘也終兩浙運使

許璣任星子訓導正大端方接人待士內外一致博學善屬文惓惓以成就後學為念上下皆重其為君子

陳茂烈字時周先世故浙人為興化衛總旗茂烈早喪父晝從總旗之役夜則讀書祖母憐其孤弱止之乃韜燈默誦潛心學問上希曾顏作省克錄自勉祖母沒賣屋以葬并葬其父負土成墳間日行視哭盡哀乃返舉進士授吉安推官擢監察御史以母老乞終養為人狷介務實行其為推官時考績京師冬月僵凍忍苦自支為御史衣布乘牝而已而彈劾一無所避家居養母甘旨外與宗眾共蔬食身畜一蒼頭採薪給爨出則挾一傘自隨臥榻布帷不備手自灌園盡日危坐斗室體驗身心偶有所契輒筆之靜思錄莆人稱茂烈孝廉先生推舉耆舊必首及之正德中吏部奏茂烈清苦絕俗請改晉江教諭使資祿近

地疏辭不赴後二年有司復請給之廩粟特詔月與
 米三石復疏辭不允其後母歿枕苫居喪近枕處頭
 髮盡禿亡何亦卒而竟亡子其日天氣黯黑道路流
 歎林貞肅俊為治殮立其族子遠揚為後巡按御史
 王應鵬疏言茂烈廉約如石守道而所養獨純孝行
 如徐仲車而所處尤困身歿無後乞加恤典用勵士
 風詔蓋坊里門祀之鄉賢月再給米其家陳獻章曰
 韓退之稱孟東野無田而衣食事親左右無違混混
 與世相濁獨其心追古人而從之時周有焉林貞肅

曰陳公頌語既深韜養尤粹每一語言躁慮消息宿
 疾頓瘥其物品當定黃憲管寧之右得在聖門可幾

予損遠揚嘉靖中貢士崇府紀善敦朴謹慎無忝家

訓天啓辛酉 賜茂烈謚恭清

林琨字宜珎弘治舉人教授德安端重有文自奉清
 苦訓諸生以義講習無間有越禮者必撻之即所愛
 厚亦不寬假任六年諸士凜凜尊奉謹於大吏遷國
 子博士終周府長史

李廷梧字仲陽弘治進士授桐鄉令精敏仁愛加意
 農桑入為監察御史出按蘇松諸郡逆瑾亂政以蘇
 松貨府望賄不從下詔獄後徵無蹤跡得出以劾按

風采歷轉大理寺丞滿考罷歸廷梧涉宦多年案牘
稍暇肆力古文詞既閒居籃輿鳥榜徜徉山水間與
鄭司馬岳結社賦詩人稱其翰藻相亞

吳希由宋世延之裔弘治進士清脩樸澹私淑胡文
敬之學繇比部郎擢浙江僉事築海鹽長堤拒劉賊
長江擒之擢四川憲副兵備威茂有斬獲奇功久之
乞歸結社賦詩洒然世外子綾紳綾領鄉薦

紳字克服弱冠得胡文敬居業錄厲志捧誦輒有悟
入舉嘉靖鄉薦教諭德興日與諸生談心性之學擢
令桐廬歷倅常州有權相客以兵部侍郎視師海上
擅恣不飭紳不能俯徇遂投牒歸講學于鳳山寺所
著有易通鳳山初言志學錄等書

陳深字文通弘治舉人授九江推官寧庶人宸濠破
九江時深署篆瑞昌領兵復城分功於僚屬僅量移
南豐知縣

王鏐字崇用故司寇鄭岳同學友也岳方伯江西爲
寧庶人所齟齬鏐時爲南昌教諭岳被庶人誣奏併
繫鏐謂岳有橐金寄鏐鏐坐拷掠幾死卒不一語點
岳與岳同歸濠誅岳復起力薦鏐不報

張廷槐弘治進士任潮陽知縣警敏有才剖決無滯

勢豪斂手

黃體行字子道釋褐試政疏歸養母不允致仕遺馬
太宰書辭甚激切亦不見聽常悒悒不懌久之授工
部主事改戶部轉員外郎而母亡矣正德甲戌乾清
宮災應詔陳言頃者上天示戒災及寢宮

下憂皇祇慎勅諭羣臣詔告天下承天之心夔以加
矣大小臣工恭承德意誓竭忠誠捨民隱不陳而指
切 陛下之身不謀同辭蓋 陛下

天下仰望身止與否治忽實關羣臣之言不歸

陛下之身又誰歸哉

陛下御極九年于茲

五年以前逆瑾竊柄敢作亂階百姓惶惶懼無生路
幸而國祚猶篤元惡成擒然亦危矣危而有持此可
為一幾也

陛下能為之乎六年以後逆瑾餘
烈滋熾未已劉六劉七之徒一旦挺身而出而亡命
之人爭應之北闕一呼聚盜成丘鼓星星之焰以燎
南北之原者幾不可戢蓋瑾之取民者既窮民不聊
生自相率而入之盜幸而國祚猶篤天兵壓境江神
助順賊舸風飄然亦危矣危不終危此又可為一幾
也 陛下能為之乎方今川江餘黨猶未悉平
處寇受招間或復叛正 陛下勵精兢業時也

舍此不圖聽番僧義子邊軍之屬迹相兒戲而皇店內市打毬錢無名之征胥此焉出而又信童監數十人扈從

聖駕潛出外市移時始入視天地祖宗臣民倚賴之身不如一千金之子即今幸免所損已多臣深為

陛下惜也此心既縱百凡就荒朝禮廢而不修宮寢疏而不行威重損而不知儲位虛而不慮上天監臨特示切身之戒

陛下始雖警悟畢竟受蔽大小臣工前有言者報而不行後有繼者留而不報豈不以羣臣皆外人也勢隔情離

任意投擲夫人情莫親母子莫密夫婦仁壽坤寧兩

官非 陛下親且密者乎羣臣言不足聽兩官之言亦不足聽乎臣一芥儒生謬登甲第竊祿


孝廟之末年錄官 陛下之初歲始欲少効愚衷顧八十老母賴以送終理難許國今臣母亡祿

而猶顧戀蒙恥不為 陛下盡言臣身雖存猶行尸也伏望特清

聖慮大回宸斷出番僧屏義子道邊軍罷去皇店內市打毬錢撤行殿而深居以為

誕育皇儲之地息遊幸而早朝以杜潛移政柄之門召親王而入輔以絕姦邪窺伺之路如是而

陛下之身正矣 陛下之身既正生民有恃以



為安叛亂聞風而自息不然天下事未可知也疏入
削職為民嘉靖初擢處州知府尋乞致仕體行家居
授徒自給居喪不與燕飲老雖日青敬恭先祀不廢
吳大田字紹曾舉人也繇扶溝學諭為興府長史侍

世宗潛邸講讀有勞

世宗登極以從

龍恩歷工部侍郎始大田為諸生時祈夢鯉湖仙人
語之曰有教無類其後 世宗贈之聯曰不向

春官尋座主獨求天子作門生大田雖用從龍恩至
列卿乎奉命督理九廟慈寧官奉先殿諸役裁冗費

借民力以勤慎見稱致仕卒子元玉南戶部員外從
姪選梧州知州醇朴有古風

陳簧字鳴韶宋大卞之裔父宜恭見帝布簧弘治進
士山東叅議移守遼海清屯鹽募墾種邊人賴之致
仕歸家清白特甚第篋

篋字和韶嘉靖初進士少負雋才遇事敢任司李杭
州平疑獄抑奄豎擢刑部郎會大同兵變疏解撫臣
劉源清罪得薄譴歷禮部郎時代藩以代近邊持萬
金賂權貴請徙封內地篋抗言此 高皇帝設

屏翰為備胡至計安可徙也仕終尚寶卿子文信令
寧都有保障功終柳州通判

馬思聰字懋聞弘治進士初爲象山令復二十六渠
溉民田邑民德之以憂去服闋補萍鄉流寇劉六爲
變調畫戰守甚備擢南戶部主事督糧江西正德己
卯六月與宸濠生辰之燕翼旦入謝度必有變語厨
人曰我倘不出皮勅高處厨人不解姑如所示及入
宸濠出反言都御史孫燧副使許逵皆遇害謂思聰
部郎耳不能有所指麾第下獄思聰與叅議黃宏並
發憤不食去之六日死宸濠敗與燧逵並賜廟祀予
額曰旌忠始思聰治署在安仁去宸濠邸可二百里
宸濠生辰將至時或勸第裁書爲賀可無行思聰曰
宸濠反有狀矣吾往非爲賀也至彼伺其動靜亟以
奏聞亦一羽翼耳至是遂不免子明衡

明衡字子莘正德進士從王文成學嘉靖初繇太常
博士選爲監察御史時方議大禮尊崇

睿皇

帝而
前者
孝宗皇后聖節詔免命婦已行朝賀今
興國太后令旦節命婦已行朝賀今

昭聖皇太后聖旦之節相去未越月耳乃輟而
不行當議禮紛更之日正人心搖動之際忽傳此報
廷臣兆庶莫不疑貳伏惟
孝宗皇帝臨御天

下十有八年深仁厚澤貫匝人心父老至今道及時

或流涕天下之人思慕如此則其懷戀至今或昭聖
 皇太后當何如哉 陛下仁孝夙成恩禮之隆
 宜無不至然萬一因禮文末節稍成嫌隙關係匪細
 孝敬難篤而易疏讒言易間而難合徵之往事自古
 為然其在今日尤不可不委曲鄭重疏入時
 世宗怒下之獄曰此曹以不孝誣朕法當反坐論死
 賴內閣蔣公冕救免削籍為民明衡上疏時去其入
 臺十日耳人稱世節

閩書卷之一百十二

英舊志

縉紳

興化府

莆田縣八

皇朝

有傳

黃鞏

周宣

劉閔

姪孫自省省姪孫儉附

戴大賓

王大用

鄭瓚

子綱

姪大同

周讚

陳傑

李純

朱守為

高通

朱鳴陽

沈健

余瓚

鄭懋德

陳文講

黃廷宣

劉勳 鄭公奇 藍渠 林仕鳳

廖梯 王鳳靈 卓居傳 朱可宗

張曰韜 姚鳴鳳 姪虞 鄭豸

陳大奇 周鳴鸞 郭日休 陳騰鸞

宋秩 吳禋 蔡于毅 朱澗

陳大珊 姚文炤 朱道瀾 歐志學

沈良 陳繼芳 鄒守愚 陳祥麟

鄭道夫 陳富春 楊汝惠 謝炯

魏一恭 陳光華 林允宗 林渙

唐時雍

子維城

鄭汝舟

黃大廉

陳烜 楊萬程 康太和 陳策

林應節 鄭鏊 黃繼宗 鄭應旂

許效賢 張秉壺 林學道 彭希賢

林芸 李德用 昌應會 阮琳

方大樂 廖賓 翁夢鯉 蕭桂

郭應聘 方亮采 林澄源 游日章

宋效周 吳一奇 王宜 林大經

程拱宸 陳瑛 宋萬葉 林東興

吳獻台 林道楠 沈夢熊 陳泰交

盧廷選 周如磐 黃起龍

黃鞏字伯固授德安推官陞刑部主事員外改兵部
歷武選郎 武宗有南巡之命鞏疏言

陛下臨御以來祖宗紀綱法度一壞于逆瑾再壞于
佞倖又再壞于邊將至是蕩然已天下知有權臣不
知有 陛下 陛下弗知也恐後知之晚

已先儒周惇頤曰聖人定以中正仁義主靜立人極
焉又曰吉凶悔吝生乎動吉一而已動可不慎乎故
聖人主靜君子慎動 陛下盤遊無度流連忘

反過動矣古之明王用言而顯其身後世不用言又
加罪焉今也又不然臣僚有言時政者左右權臣往往
往匿不聞至言權臣則留中不出而以他事中之使
其不以言獲罪而以他事獲罪臣故恐 陛下

知之晚也孔子曰名不正則言不順言不順則事不
成禮樂不興民無措手足 陛下無故自稱威
武大將軍鎮國公自輕如此則誰為 陛下者

天下不以 陛下事 陛下而以將軍公
事 陛下天下皆將軍公之臣矣古天子有號
為獨夫有欲為匹夫而不得者臣切為 陛下

懼也 陛下始時遊戲不出大庭馳逐止南內
而已亡何幸宣府矣幸大同矣幸太原矣幸陝西榆

林諸處矣所至費財動衆州縣騷然至使民間夫婦不能相保

陛下爲民父母何忍至此極也近者復有南巡之命南方之民流離奔踣爭先挈妻子避去即今江淮饑父子兄弟相食天時人事如此重

以慮之幾何不爲盜賊速之成亡也姦雄窺伺待時而發變生在內則欲歸無路變生在外則望救無及

陛下斯時悔且後矣居位大臣用事中官親暱羣小豈有毫髮愛

陛下遠出而後得擅權自恣乘機爲利也其不然則袖手秦越不涉休戚者也

陛下宜翻然悔悟下哀痛之詔罷南巡撤宣府行宮示不復出發帑帑以賑江淮之饑散邊軍以歸卒伍斥不御之女使還其家夫自古未有小人用事不忘國喪身者也今

之小人簞弄威權貪圖富貴實繁有徒至於首開邊事以兵爲戲使

陛下勞天下之力竭四海之財傷百姓之心紛紛未已者則江彬也彬行伍庸流

亮狠傲誕但見可誅之罪不聞可賞之功乃賜姓封伯托以心腹付以總督京營使其外挾內擁此騎虎

之勢亂之道也天下切齒唾罵皆欲食彬之肉陛下何惜不以謝天下哉

陛下春秋漸高

前星未耀祖宗社稷之託懸懸乎無所寄方且遠事觀遊屢犯不測收置義子布滿左右獨不豫建親賢毗承大業臣謂

陛下倒置也伏望豫選宗室親賢養于宮中待他日誕生皇子之後俾就外藩此宗社無疆之休四海之望鞏疏方上同舍郎陸震讀之嘉歎遂附名同入是時吏部員外郎夏良勝禮部郎中萬潮太常博士陳九川與醫士王鏊皆有疏諫嗣後羣臣伏闕者二百餘人武宗怒甚皆杖之以鞏震與良勝等倡首下鎮撫司嚴治已鎖項械手足廷跪之五日正跪時衆曰

曰

天子出山吾輩裙屐外之既與震等三加訊杖

坐繫一月除名為民彬使人途刺鞏有管洪主事匿而給之乃免始鞏以職方艱居其第謂鞏此時縣官北狩人心危疑兄且無仕鞏題其書室曰茅屋石田為生太拙鴟夷馬革自許何愚至是遺第詩曰不用汝謀方至此須知我道固當然歸杜門著書貸米留客日中未爨晏如也嘉靖改元起大理寺丞疏辯大禮反覆千餘言尋病卒無子而震先卒於出獄時矣時張寰惠公岳方為行人疏言正德末年逆彬弄柄導引巡幸熾氣薰天犯者糜碎陸震黃鞏慨然首發

其奸震歿杖筆輦得殘命 聖明御極蒙贈官祭

廕輦亦亟起班行不意數竒身亡中外相弔臣知輦

最深趨向至高學行甚正有定心養性之功故氣節

剛勁而不激有格物窮理之學故議論持正而不詭

加以清修之苦才具之優使天假年效忠未量國家

贈諡祭葬之典皆視臣子品秩高下至德學氣節為

眾所推者官資未及褒卹不廢伏望博采公論量贈

一官或祭一壇令有司造墳安葬士氣風俗必有所

補 世宗贈輦大理少卿弁與祭輦體質脩羸

兀敏好學疾病支離手不釋卷歎曰人生仕宦至公

卿大都三四年惟以身行道可以千載林俊比輦

美玉精金袁袞曰 武廟南巡黃公奮忠極論

兩都傳草幾於紙貴 周宣字彥通授常德推官明慎清簡為楚屬冠中官

劉瑾遣卒偵事獨常德免譴擢御史巡按山西將行

會 武帝南巡與臺官疏諫 武宗怒罰

跪端門外烈日中三日及蒞山西去黷吏固邊圍竣

事改提督畿內學政 世宗即位首疏治安之

策在培元氣伸士氣其要又在聖學大禮議起疏引

濮議折衷程子以及張孚敬之說擢山西按察副使

仍督學政歷廣東按察使左布政使潮人給事中陳
 洸不法宣按察時絕不之貸洸恚甚寵臣郭勳庇山
 西妖人李福達行囑不遂兩京科道因之劾勳勳譖
 於

上遂興大獄命孚敬判法司事孚敬本嫉
 宣曩疏適洸赴京陳辯宣遂坐在山西時棄福達許
 詞不理同法司科道百餘人罷免歸至家解其橐中
 裝金二百而已徬徨終歲之計出以買田狙僧見其
 書券若不足日來言田於宣宣曰金盡矣蒲僧至今
 以為笑談為人好讀書精染翰喜賓客論文談奕日

高春笑語融融不知室之宴也從第寧子鯤寧宰丹
 陽列名宦鯤歷江西按察副使工文翰精書法

劉閔字子賢絕意科舉求古聖賢禔躬訓家法率而
 行之念父母亡與祖母二喪不克葬遂斷酒肉遠房
 室訓徒隣邑朔望歸則號哭於殯所如是者三年隣
 族憐之為助其葬婦失愛於母逐之獨居奉母定省
 溫清疾不解帶母或恚怒則衣冠竟夕跪床下他諸
 祭祀奠獻一循禮經鄉人盡加敬慕副使羅璟立社
 學構養親堂延閔為師提學僉事周孟中捐金助養
 知府王弼素重閔每當祭齋宿必延致齋所曰此人
 消鄙豈減黃憲亦置田五十石資之並受不辭及母

卒閔即送田還官廬墓三年歲凶弟婦求分異闔戶
自槌第婦感悟復合如故弘治中林貞肅俊上言

皇太子年踰幼學趨向所決而多處官中少就
外傳古人之教恐未宜然今東宮講讀侍從諸臣固
皆陛下之所登簡廷臣之所論薦然百司衆

府山林隱逸不謂無人以臣所知則禮部右侍郎謝
鐸太僕少卿儲瓘南京光祿少卿楊廉行幾殆庶其
資序不合實德可取有二人焉致仕按察副使曹時
中渾厚澄瑩粹然春風無賢不肖皆服其行時中華

亭人也處士劉閔則臣縣人恭慎醇粹孝行高古日
無二粥身無完布處之晏如臣每見愧畏不暇上官

劉大夏徐貫知府王弼等恒延拜之閔詞藻雖稍不
逮德宇道風自見難比臣謂可禮致時中爲官僚閔
仍布衣入侍更以純德雅望之人常同起居必能涵
煦陶薰有所裨益其後巡按御史宗彝饒塘欲援詔
例薦閔經明行脩閔力辭知府陳劾請遂其志榮之
以學職正德元年選授儒學訓導所著有家禮考註
昭穆圖家子說五倫啓蒙孝經刊誤等書姪孫自省
長汝同知省姪孫儉孝豐教諭並有閔之意

戴大賓字寅仲三歲學語屬辭若神授兼通五經舉

鄉薦會試皆第二廷對第三鄉薦時年十三廷對二十矣除翰林院編修雋韶名一世逆璫劉瑾兄女有才姿瑾養爲己女爲求快婿力欲致之爲飭邸舍具騶粟廝隸大賓自遠也時時狎狂縱酒倚醉譏詈瑾所具廝隸復時答辱之廝隸譖瑾戴探花輕薄人也何有於乃公瑾意衰會奔母計卒于途瑾女後以嫁關中士人關中士人者年二十發解及瑾誅解元坐瑾黨削籍乃知大賓慧識矣

王大用字時行其先儀真人國初隸軍興化衛遂爲興化人生而母感異夢故名以大用粹而孤母力存之自其少舉不第則翫遊雲代間觀壁壘探扼塞慨然有用世之志舉正德二年進士授工部主事督造漕船兼理臨清閘座流賊劉六突犯臨清捕賊非大用職也且其分署在城外大用留孥邸舍弗動自拔壯勇據險迎敵會兵備使者出應援賊解去而大用名爲知兵郎署間改刑部主事轉員外郎擢廣東僉事備兵清遠一討樂昌高快馬賊獲功千四百有奇一討清遠程盜拔旗坑菜塘西坑癩利諸寨戮賊首梁永寬等千有奇一攻黃籐坑黃華洞後山千八山諸處戮賊首唐鎮山僞都督楊旺等二千有奇一獲

新會白水新興梅州等洞賊二千四百有奇一獲順
德增城香山沿海諸村賊三千二百有奇陞本司副
使兵備如故一征白水黎蠻一征嶺西高涼洞夷獠
具有功先後賜金加俸大用臨征勦善出奇用俘健
所以捕獲境內賊令黨正別民所業互相覺舉游手
暴橫者繩以法里胥父老各得捕所知粵嶠名多盜
大用蒞之五載屬界肅然嘉靖初陞江西左叅政分
守湖東道當大計言官風論大用酷治盜坐調貴州
右叅政值軍旅繁興採木使命旁午擘畫供億復以
晏如未幾擢廣東右布政轉廣西左布政尋晉應天
府尹繼陞都察院右副都御史巡撫順天道改巡撫
大同贊理軍務大同卒悍難治戍主帥者屢矣大用
至禁淫酗課墾耕嚴開中以通商鹽營堡落以備哨
望勦平強寇劉善果欽賞白金紵絲巡按御史張祿
者與大用持禮節嗾給事中秦鰲論劾之再疏乞休
改撫順天至則歲大饑百方調度奏給糧米數萬躬
循賑濟復疏陳防勦三事

世宗皆嘉納之陞

右都御史入掌院事張御史懷前憾復撻詆之有旨
切責張御史大用疏懇辭得允會朶顏三衛擁達虜
千餘假名入貢大用率叅將周璿蕭陞詣關撫諭乃

知其欲入犯即令璿陞拒敵自單騎入城誠兵策應虜覺宵遁大用時又欲以金帛與虜易馬又嘗諭其頭目幹維者令獻黑谷關外地至太平寨長亘五百餘里可徑爲邊牆以省關管大半二議已定俱未及請行張御史復以此再詆大用遂奉旨致仕僑寓儀真者久之復用薦起巡撫四川出墨吏革鋪官飭禁淨身柳橫債釐茶法定賦役諸所興革務存節愛陞南京刑部右侍郎方候代會白草番率衆攻破平番堡即奏勦之使遊擊曹克新督兵救應斬首七十餘級兵科給事中扈永通論劾大用失事基禍有旨回籍聽勘代者張時徹隨疏上提引大用前功奉旨賞銀二十兩紵絲三表裏待勘明錄用大用歸復居儀真卒遺命返葬於莆大用有時僑寓儀真有時返莆率僦居市糴明農授徒出入徒步而已甲辰歲莆中荒旱至不能具晨炊在官時以事入都門至不持一屨也歿而貧甚其子邦圻空手入都假貸得百金爲大用求卹典時嚴分宜當國子世蕃貨賄濁亂凡大臣求卹典者入重賄乃得邦圻徒以百金餽世蕃爲世蕃所欲咄咄無計治歸裝矣一夕世蕃召邦圻便室與邦圻飲邦圻者故嗜酒敢狂言世蕃心拆之

已悉如所請疏下人咄咄稱怪事也後知相在西直
嘗語世蕃曰王時行一世偉人素著戰功家甚窶爾
毋恒調困其子乃知分宜知大用矣

鄭瓚字宗獻宋忠惠僑之後弱冠攻古文詞舉進士
授戶部郎督餉宣府以羸金輸還公帑操行清修至
性孝友惜其無年後以子綱貴贈兵部侍郎姪大

綱字子尚繇郎署歷都御史總制兩廣馭歷中外具
有才猷

大同字皆吾初授行人轉兵科給事中累陞都給事
論事持大體分宜相嵩當國大同邸舍與相近弗通
也坐是歷政太僕太常大理皆在南都留滯有年太

宰李默柄用乃引之北以大理卿轉刑部右侍郎後
李為相嵩門客誣陷言其試日有謗訕語坐下 詔
獄屬刑部當案罪大同謂李吏部試人發策引故事
註誤則有之坐以謗訕枉矣此境當除籍耳坐李黨
歸大同少受經于儒先吳祿貴而執門生禮甚恭倭
破莆陽祿歿郊外大同購其屍斂葬之為位哭者累
日其卒也值文廟更新工匠尚宿廟中昧爽見大同
緋而入拜頃之一匠過其舍聞哭聲驚相語莆人問
之皆歎曰侍郎之卒也修禮而後行

周讚知高明縣政尚公平未幾乞歸高人祠之

陳傑字國英曾祖瓊廣信府推官祖讚教諭父曰漸

貴池教諭棄官養母傑舉進士授景陵知縣有巨猾

陳盪怙富武斷召置之法盪行賄上官誣傑于理闔

縣呼號願為侯死郡守劉斐率僚屬出矢言欲與傑

同掛冠事得白擢南御史從王文成游文成稱其篤

信好學高潔自守後奉差遣不肖吏雖善結援營護

無倖免者其訓諸生曰科舉筌蹄耳辯義利審真偽

聖賢實學也所奏若干疏皆切時務滿考乞歸養父

卒傑服食麤淡行里中不假輿無書抵公府體規道

矩終身持踐其卒也督學潘璜題其墓曰孝廉先生

巡按聶豹施山先後疏請依御史陳茂烈例旌表弗

果行興化志曰郡中士大夫好混迹齊民往御史陳傑方伯葉琦知府廖梯疏歸後輒遠跡公府布

衣素冠徒步里中而脩飭邊幅者云豎兒販夫行不讓路徒為褻耳昔蘇長公以文章氣節伏一時最後

歸陽羨行為醉人所推同行者有憤色公笑曰某今漸喜不為人所識矣此蓋有味乎南華爭席旨也要

之尚不免輕世而吾里諸公稟之雅素更為可尚

李純字在誠初知懷寧縣陞知蘄州再知欽州終韶

州府同知懷寧志稱純興學育才修城鑿井毀淫祠

創社學湖廣志稱純清慎愷悌警敏剖決豪猾莫敢

肆逞欽州志稱純性方履潔杜絕私門興學教治豪

猾擒治蛋民之亂北障江水環護州城為功甚大而
莆志則稱其與李元廖德徵同一清貧子孫衰替可
憫念也

朱守為字良裕陳州學正知太平麗水二縣剛毅有
為政務舉飭

高通字于亨教諭德安善經術勤講解教及芻邑士
部使交薦轉瀟山知縣縣兵興甫定通持政寬平殫
心綏集卒官次郡守胡纘宗念通貧厚賻佐其歸

朱鳴陽字應周正德進士授戶科給事中歷禮科都
給事中魁梧個儻慷慨建白
康陵數出行幸

鳴陽言駕出不時白龍魚服為戒不小江彬錢寧怙
嬖從惠合正典刑藩服親王可承天序者當選居京
師以防意外殿庭災鳴陽請罷鎮守大璫任正人黜
奸回繫之辭曰變故之興猶火也始焰星星救易為
力及燎方揚滅難為功且夫室之燬矣猶可建也禍
延天下尚可為乎言備剴切
永陵即位大禮

議起伏闕諫張孚敬方以議禮稱
上意鳴陽
疏攻其短出為浙江叅政已坐他事貶雲南叅議孚
敬罷銓部廉鳴陽枉復故官徙廣西未幾轉浙江右
布政使汪鉉起為左都御史仍謫鳴陽勒致仕鉉孚

敬黨也

沈健字若乾歷刑戶二曹郎剛方守法出為桂林太守祛弊立政廉介自守未暮卒官民為立祠

余瓚字君錫初官濟寧學正上敦本正俗勸流移定版籍十事既登第擢兵科給事中
武廟南巡

諫不可者五陞都給事中獨持國是時有抗疏陟太僕卿歸

鄭懋德字成昭正德進士初為鉛山令鋤豪強有能聲擢刑部主事論劾錢寧坐繫詔獄謫清源判歷臨

工部守治行以嚴止聞

陳文講字國賢嘉靖初任象山教諭質直不能容惡知縣史篋敬憚之時役民修大成殿賄文講二十金文講拜聖像前麾卻之陞崇陽令

黃廷宣正德中舉解元進士守太倉貳建昌有惠政終廣東僉事廷宣心務希古性不比俗輒軻仕路優

游家食而太倉建昌舊民久猶致起居

劉勳字紹功授刑部主事改吏部嘉靖初伏闕抗疏議大禮忤旨受杖已歷考功郎為桂萼方獻夫所不

喜調為南禮部郎空橐趣裝累四川叅政平巨寇李和尚之亂後陟副都御史巡撫寧夏引疾歸

鄭公奇字士望知太平府立心公恕民夷悅服

藍渠字志張知隨州清刑獄裁冗費剪強豪植孤弱
居七年調欽州民像祀之立善政碑請州人顏木爲
記云藍子爲州敏而弗敝察而弗煩廉而弗隘惠而
弗徇寬而弗恣儉而弗棘嚴而弗苛正而弗局

林仕鳳字鳴盛官雲南僉事滇志稱其慈祥樂易秋
毫不擾祀名宦祠

廖梯字雲卿起家南戶部郎調禮部擢山東叅議未
任坐戶部註誤謫安吉州知州轉寧國同知雲南鎮

遠知府致仕梯優於經術推以飾吏損已惠下片楮
不罰出郊必自裹糧賓客之費咸出俸金爲郡二年

不携家累嘗採古賢守令化民者刻爲諭俗編頒行
部內旋乞休養母家食三十年年八十餘甘貧守約
容膝之廬沮鹵之田一僕給薪步不假輿婦女布裳
而已縫紉皆出室人巡按御史先後連薦悉不報安
吉人陳良謨爲閩臬至其家出菜四器桃四枚白酒
一壺飲之良謨遍語諸公間一日詰良謨變色曰公
何憐我曰非敢憐也揚清德耳

王鳳靈字應時舉進士授刑部主事年甫弱冠乃明
習法理如老吏宦官張銳都督錢安等罪當死詔減

成且許贖金鳳靈言此輩必誅之賊也非爪牙逆瑾則羽翼錢寧非交通宸濠則結好江彬今以賄囑轉移聖慮臣恐姦雄伺釁謂私交可無誅亂政可不殺法紀謂何疏奏竟如法司議給事中陳洸者罪有顯狀世廟以與議禮故庇之鳳靈疏言

先朝開國靖難及諸迎立元勳豈無寵利動觸刑憲議禮者自議禮犯罪者自犯罪何得援此掩彼抑發議諸臣深係聖心倘或處極盈之會犯不韙之科

陛下尚當與衆棄之况如洸罪采諸曹自是無敢復庇洸者年未二十出爲襄陽太守以母喪歸服闋補淮安淮故患水鳳靈首疏五事以疏滯重農爲先又連上秋災夏蝗等四疏請蠲秋糧雜賦出餘銀數千以賑民復疏停馬價懇惻數千言俱得請其他興學政清徭賦辯疑獄擊豪猾緝治巨盜淮人稱之擢陝西提學副使未抵任遭謗歸起補霸州兵備佐翟相鑿行九邊又督城沙河議省費忤柄事者故疏留五載始遷廣西叅政未赴忌者竟以考察罷之家居歿於倭難鳳靈生有異質日誦書數萬言伉直好論天下事爲文章以氣勝善作大書所著有淮陽急稟及諸奏疏

卓居傳字起巖宋得慶裔孫蚤著錄郡庠以經學稱
執經問難前後數百人領鄉薦授金華訓導以制歸
開館鳳山四方來學甚衆服闋改淮安育賢恤乏青
衿感奮旣登進士賜歸省一時士類競趨其門竟以
刑部主事終

朱可宗字端夫仕戶部郎中以諫南巡廷杖

張曰韜字席珍正德進士授常州府推官歲己卯守
令以覲行曰韜兼綰郡邑事會武廟南巡止

畱京倖臣江彬縱其黨數十輩下潤州橫索民間莫
敢誰何常人聞狀輒亡匿曰韜召父老並二三豪傑
約曰彬黨卽至若等併力與格又釋囚徒呼乞兒輩
各具瓦石投之部署已定而彬黨各累騎至父老豪
傑直逆彬黨境上遮叱之曰客何來者常州連歲災
沴物力大絀無可啗爾曹郡中惟一張司李一錢不
入卽欲具芻草秣若馬亦卒卒莫辨言已囚徒乞兒
奮呼遂至彬黨見耳目非是又怪出語不遜勒馬稍
稍卻尋復揮策徑入而囚徒乞兒擲石飛瓦爭中其
額項皆走還旣退里許令人馳告彬而曰韜亦卽奏
記御史臺言狀御史省記便行部抵常曰韜挈舟來
迓御史曰君治彬黨彬黨柰何君矣可登我舟先去

我乘君舟也頃之彬黨至索曰韜於推官舟中則御史在御史陽叱捕之皆即散走後御史置捕者勿詰而彬亦誠其黨毋得再下郡國於是南中士大夫咸云微張君力扼奸黨於常郡也勢必以次下姑蘇何地不漁獵哉嘉靖初以風裁異等擢監察御史入臺四月七疏言時事最後抗論大禮廷杖強出朝門裹瘡步歸臥地床口占疏草欲再上越三日卒隆慶初追贈光祿寺少卿從姪英貴州左叅政母老疏致仕英其始居臺中亦號敢言

姚鳴鳳字景陽正德中授南太常寺博士擢南御史嘉靖初武定侯郭勳受山西妖人李福達賂冒陞帥

閩事覺兩京臺諫論奏勳勳反奏陷臺諫及按事官有詔張孚敬等覆訊福達獄公卿臺諫多謫戍削籍福達竟脫死鳴鳳時同御史高世魁連疏論之

世宗怒繫逮詔獄與世魁並削籍姪虞

虞字師舜嘉靖初以御史清軍湖廣

顯陵大

工興鄖陽河南流民赴募萬人無所得役流離死二虞疏言今承天府修建

陵宮及陽春等門工


作匠役俱官召募鄖陽襄陽及河南饑民就募而來携妻襁子不下萬計匠作不能容收屯聚饑餓積屍

載道雖有司次第掩埋而死者相繼其尚存者或鬻
 子捐妻或剝木掘草或相向對泣或矯首籲天及其
 父不顧子夫不及妻飄零陰風積雪之中匍匐墮垣
 荒隴之下臣實掩鼻酸心撫胃流涕有不忍視者夫
 承天陵寢之地 二聖妥靈之所而流民死亡
 淒號萬狀在天之靈有弗安矣臣不能盡其狀命工
 為圖一十有二不避鈇鉞之誅謹効鄭俠之義伏望
 聖慈垂覽便宜賑恤疏上人給預備倉糧三斗諭令
 回籍饑民德之歷淮安知府

鄭彖字秉憲初為茂名令編徃均核載之邑乘擢泰
 安知州卻泰山香錢為人質行寡營介澹自勵授徒
 傳經成名者眾

陳大奇字偉先授平度州學正歷國子助教通判饒
 州淮安同知常德致仕大奇始居約時以操尚稱及
 仕宦數十年歲入田產僅足粗糲在饒在淮並處脂
 膏矚然不滓晚丞常德猶以既衰在得自署年八十
 餘卒廖知府梯以篤行君子稱之

周鳴鸞字士和仕終武寧令刲股愈母母卒廬墓終
 喪有甘露之祥父歿亦如之當道先後為立孝坊
 郭日休字德夫授戶部主事嘉靖初以爭大禮廷杖



落職久始復官歷湖廣叅議浙江雲南叅政貴州按察使以事與按史相持即日投綬歸板輿奉母母年百歲終日休亦八十矣猶作孺子哭

陳騰鸞字士遠酷嗜經史爲文奇澁不可句其後變爲古雅林尚書俊鄭司馬岳咸重之官戶部郎中無年以卒丘秉文曰士遠固能文非林尚書誰解士遠文昔謝安讀阮光祿白馬論不即解阮歎非惟能言人不得正索解人亦不得耳

宋秩正德間以貢仕海豐訓導清苦自厲時揭行誼踐履爲諸生訓迪

吳禮字國誠篤志厲行教崇德遷壽州皆有去思碑

壽人以與許垺並稱再遷寧鄉令以不阿自免

蔡于穀字虞璧嘉靖元年歲貢官湖廣行都司經歷卒于穀修行博學在胄監時禮曹鄭善夫疏薦其明習理數請召擢以正司天之謬不果用嘗輯開國事畧十卷

朱澗字必東嘉靖初選授監察御史甫閱月

昭聖皇太后聖節有旨免朝及命婦入賀馬明衡上疏制繼之與明衡並下詔獄削爲民澗家居奉親爲娛與人交不欺或受欺亦不較於公府歲時致敬而

已至民間利害則牋記括屬其出處雖與明衡同而
貧視明衡尤甚乃所著文詞無窮愁語卒年六十七
一孫天無嗣隆慶元年贈光祿少卿

陳大珊字若實自兵部郎為廣東僉事治鹽筴有廉
聲擢廣西叅議田州土官盧蘇弒其主岑邦相督府
陶諧悞以邦相病歿欲右盧蘇大珊曰盧蘇敗畧稱
亂弒主戕民安可益也第當直叙以聞使立功自贖
不及征討足矣督府置不問陞江土官咸出怨言藤
峽之役蘇逗留不進縱賊逸去當事迺歎督府失刑
而服大珊之議擢海南兵備副使罷歸晚遭寇警家
亦貧服御單陋于平安之

姚文炤父永宰邑考牧有聲歷太僕寺丞年五十一
而致仕進光祿少卿世人美其止足文炤仕比部出
守金華歷陟藩臬至左方伯所至務為寬厚方其郎
比部時永正為太僕寺丞父子同朝鄉人榮羨而皆
澹樸抑畏視其色如在野

朱道瀾字叔觀嘉靖初知增城縣忠信明潔曉暢吏
書均編徃役立月會法令鄉舉高年有行義者一人
為長月一會鄉眾使社師誦為善陰隲一通訓之立
善惡二簿書其尤者示勸懲學官頽壞士鮮科第道

瀾朔望訓課於是歲薦有人遷太僕丞尋出憲嶺南行部至增城民若復見慈母焉

歐志學字須靜嘉靖初知潮陽縣治先興學育才潮之人文遂盛疇曩在事歲餘乞歸當道檄留之再歲復請乃聽志學淹貫經傳讀書南太學時海內名士交重之吳中諸文學爭延爲師旣歸開五經講席以應四方問奇之士

沈良字貞夫授全椒諭有教澤徵入爲工部主事擢員外郎以執法忤時出判兗州寬稅賑饑民心懽悅卒于官民爲罷市子慶熊仕終德清令寬厚恭謹見

重鄉評

陳繼芳字立夫知金華縣廉介自持奸徒屏迹甫七月疏歸養設帳以供甘旨士負笈從者甚衆

鄒守愚字君哲宋威武軍節度使琪之裔父師魯鄉貢士爲郴州學正郴人祀焉守愚嘉靖丙戌進士授戶部主事歷員外郎中議行平糴法奏發帑金賑全陝饑劾諸中貴冒芻茭與爲逋逃王者出守廣州訟劇政禁處以至誠嘗辯誣獄釋累歲繫不決者至數百人歲饑設策賑濟民賴以甦新會民激於徵逋聚海船爲變監司招之不應曰必鄒使君來守愚單騎

往民望見涕泣解散未幾屬徃迫於閩帥將大訂亦
 得守愚一言解安南不庭命將出征擢廣東按察副
 使協理兵務疏陳五事多見採納遂督兵繇潯貴入
 廉州丁艱歸服闋補江西兼攝學政所甄拔士先後
 顯聞叅政湖藩授方畧禦苗苗遁常德饑便宜發長
 沙備兵米賑之被誣調山東又改河南歷左布政使
 師尚詔陷歸德諸州郡率兵討平之繼汴河溢歲且
 旱盜起梁宋間詔以守愚巡撫其地晉戶部右侍郎
 乙卯山陝河南大震命大臣往秩祀河嶽百神行賑
 郵守愚當往山陝驅馳七十餘日祭告賑給掩骼埋
 骸一時勸辦以積勞卒贈右都御史諡襄惠賜葬祭
 錄蔭守愚宏豁爽閭平居不見喜愠臨大事如飈發
 嶽立居家孝友與人交肝膽相照敷歷中外獨著廉
 聲最寡嗜慾耽書如饑渴

陳祥麟字士仁裔出義門嘉靖初授東安令初至朝
 命征討田州土兵過縣祥麟措畫得宜犒餉具而民
 不擾省徭役革浮費均田增里拓城興學毀淫祠禁
 巫覡改諸佛刹為書院以廉能調麻城父老乞留不
 許尋以足疾疏改湖州教授嚴約束勤課藝王江西
 文衡所得多名士遷南刑部郎當提獄令人洒濯囚

固不深錮之諸囚相語曰安得長遇陳使君歷員外郎郎中在部五年司寇聞莊簡淵深重之擢守姚安以母喪歸服闋補南安治尚清簡政暇招賓僚登臨賦咏擢山東督學憲副不第評文兼有改定以積勞卒祥麟樸訥醇確不務立道學名而行履端莊居官仁愛自言筮仕以來未嘗置一人重辟亦未嘗謫一人成

鄭道夫字立之授林縣學諭有教澤厲操守陞淮安教授致仕歸林之士子追祀于名宦

陳富春嘉靖中知高明縣愛民興學自奉儉約宦遊數歲不隨家累官暇輒學尋計至夜分遷阿彌知州行李蕭然高明人稱重之

楊汝惠字吉夫以貢為歙司訓陞永福學諭規矩嚴肅選民間俊秀及生徒年約者教之朝夕講解多所造就嘉靖七年中廣西鄉試卒于官

謝炯字光宇慕古循矩獲事父母貧而盡孝人稱謝夫子舉鄉薦銓貴溪學諭為士子講明心性之學督課有條擢令桐城力抑豪右悉心撫字寬賦稅明折獄立書院擇雋士為講究既二年乞終養不允擢南戶部主事司權揚州國課外一絲不入商民頌焉及

瓜懇伸前志抵家持父喪哀戚不勝奉八旬老母白首子舍如年少時葬二嫂撫孤姪不異已子蓋孝友篤行至老不易

魏一恭字道宗其舉進士出永嘉張相孚敬之門授溫州府推官相有姪在郡獄意一恭出之至則論如律或謂張氏子非公座師猶子耶一恭曰執之而已矣以此報座師也轉撫州同知擢刑部員外郎有巨鎗殺人下刑部獄大司寇周雍欲曲庇之一恭以法行自近對大司寇恨甚註考不及謫潮州判轉揚州同知尋擢廣西按察僉事督學政以黜浮抑競揭

之公門對臨諸生儼然莊肅轉浙江按察副使分鎮

寧波有倡議於定海邑海島中築城列戍者巡視浙江都御史朱統可其語一恭奏記止之曰是役也非費巨萬更再歲不能卒業且旦夕撼激不出數年舉而棄之矣統拉守巡二大夫偕一恭往視既至統指畫上下抵掌言便二守巡復從旁慫恿一恭故望洋不顧已統以粥飯滿伽番人交通海上亡賴人為賈不請朝旨逮捕誅之遂以師捷舉宴一恭語諸佐吏曰海上幸無事吾曹未嘗効尺寸柰何言捷也已強從宴宴之日定海令具金花文綺自開府下至材官

各有差一恭麾卻之統目攝一恭一恭則自如亡何
 以他事論劾之疏已發御史裴紳力言一恭有盛名
 劾之且不利廼疾騎追還久之統竟坐罪仰藥歿人
 服其先見進江西叅政廣東按察使山東右布政使
 廣西左布政使俱有勞績其未擢左使也山東廣西
 士大夫羣赴吏部爭乞一恭再任未幾卒年六十五
 一子天一恭起自單族刻意為廉嘗言不要官不要
 錢不要命則何事不可為時人目為三不要同官有
 詆一恭于御史謂其詐者及卒御史弔畢突入簡視
 裝篋如罄問其家僮俸錢安在對曰在庫隨呼問主
 藏吏具對如僮言御史嗟嘆去書其治行檄祠名宦

陳光華字道蘊令初門有惠政以內艱歸復補溧水
 學舍卑圯于水縣有玄妙觀地爽闔擬遷之觀中玄
 帝像百人輦之不得前光華為文告以尊師養士之
 意輦遂舉溧人稱為神君轉南戶部擢雲南知府黔
 國公沐朝輔薨其妻陰取他人子承繼弟朝弼請于
 朝旨下撫臣勘問撫臣才光華以委之黔國賂光華
 萬金峻却之竟以實聞遷山東都轉運使擢雲南叅
 政適詔下雲南鑄嘉靖通寶錢光華謂鑄錢雲南必
 開九隆之銅汰瀾滄之金也此穴蠹啓釁當別構銅

成之人稱遠識李肅愍默得罪憾者指光華爲肅愍
黨落職家貧僦屋而居初門人以從祀朱文公祠
林允宗字希曾令樂清以德化民有同氣相訐者故
不爲理第令其累日思過卒致如初臺使者檄遊鴈
宕以邑疲不能具供帳力止之擢刑部主事戚畹建
昌侯被劾繫詔獄奉 昭聖太后旨稍爲持平

上怒杖謫諸郎因出允宗貳太倉尋轉丞肇
慶久之復以刑部郎出守衡州至則正風俗清弊蠹
民有坐鬪殺者獄成察其冤抗言釋之征苗調郡兵
故事以罷民嘗賊允宗部良家子三千人往芻糧器
械悉備苗平得全軍歸下何以內艱解職遂不復仕
卒年九十三子民止民悅民止寧國知府工詩文有
玄冥子集民悅雲南副使

林渙字信朝教諭泰順剛介邃理學文章德義士類
式之仕至濟寧州判

唐時雍字子協父懋通五經有士行士多從之時雍
領嘉靖鄉試教諭泗上士範甚端遷望江知縣歲大
侵覈庾粟出官俸以餉饑民轉寧波通判魏一恭時
爲分臬甚重之以與開府相左移倅彰德內艱服闋
補淮安峻防嚴馭不能仰俯上官中萋菲罷時雍仕

雖不顯所至持風軌繫去思孝友謙退名推鄉族第
時雨鄖陽通判有清譽子維城師錫

維城字邦翰授南工部主事主真州廠榷蕪湖視度
定稅以徵解屬邑令遷員外郎中出守青州拊循百
姓平反冤獄見罪人被三木爲泣涕不得已始行法
會有詔開膠萊河維城以爲工大難遽就徒令民棄
農趨工勞費亡益力陳其不可青郡故不養馬有議
當養馬如濟南維城言青邊海斥鹵牧畜無所故夫
濟以西賦輕也以養馬也青以東賦稍重也以不養
馬也爭之至欲投劾去二事並得寢郡租稅三十餘
萬維城置權衡庭中令民自兌輸徵收吏毋輒近得
舉手爲低昂方岳下其法於諸州郡時議急催科維
城以賦不中程停勒常轉歎曰杆軸空矣守一人坐
之耳亡何病郡人走望如急父母一夕星隕郡治中
櫪馬皆驚維城遂卒士民爲治喪歸葬夾道焚楮帛
哭聲相屬不絕而維城妻先維城卒數月青人德維
城作二主郡堂後祀之維城歿之二年青人馮子履
爲觀察使夢維城授之玉環曰以爲公子寤而舉子
名之曰環明日復夢維城來曰吾爲郡神且滿舉公
自代期以某日故以環聘君子履謾應曰諾頃之病

忽忽與維城對語輒趣之急子履曰某有老母身未
敢許公也維城曰則與我環子履定几上取授之子
環暴殤而子履霍然已其異如此師錄五 亦曾知象
田縣宦歸甚貧授徒自給

鄭汝舟字宜濟令南海立均平法核豪右影射弊邑
有馬叅政者家僮拷殺園丁汝舟置之法馬憾汝舟
毀之坐失職霍文敏韜方侍郎吏部知其縣政爲之
洗白改應天府教授稍遷國子博士轉南工部郎出
爲湖廣僉事建節荆西按墨吏賊築長堤以捍漢水
守顯陵貴人廖斌者王皇庄人戶侵奪齊民

與御史包節索庄戶治之斌誣奏節汝舟在庄家
震驚陵寢詔且下錦衣繫逮錦衣使陸炳楚

人也雅重汝舟力爲解已轉江西叅議以風力聞轉
湖廣副使卒于官荆湖人哀之

黃大廉字潔甫知長洲縣定征徭立三品格輕重惟
均豪猾積逋乾沒者一切置法諸豪行金諸要津浸
潤大廉采風使者見大廉不善蒞之大廉即日棄印
綬歸後數年他御史察大廉枉疏起吉安府教授稍
遷國子助教轉大理副出僉二廣臬司丁內艱復僉
四川久之轉貴州叅議攝藩臬兩司事官暇進諸生

講義校文羅施之人遂知學問 三殿大工起詔

採大木大廉深入督採縮費輯民部使者前後論薦

入賀 萬壽節諸入賀藩臬皆赴分宜相修私謁

大廉朝房一見而已坐久不調上疏乞休戒行之日

都御史高紳御史鍾沂率官屬郊餞各賦詩為別夷

漢父老出谷中百里壺漿來送也先時武選郎馬平

張紳以論劾分宜相編成貴陽寓汨渤渤鄉大廉臨

發馳往勞苦竟日與涇別而贈之金其後紳起為都

御史鎮虔州遣人訪大廉則大廉歿久矣紳臨章水

殺書而弔之而卹其孤

陳烜字朝譽令臨安與晉江陳琛相善琛贈文曰吾

同年陳君朝譽之為人也見者皆悅無忌毀者蓋其

接人禮謙雖役使卑幼亦與以和或大拂其意稍怒

而已終不峻責以故人皆喜其恭順而予亦甚愛之

顧不知其介也一日過予論古今人物凡在位有守

者槩在許可之列否則以為不足數予曰某也明某

也斷某也勤事事惜其酬於利耳不爾有用之才也

朝譽艷然嘆曰廉吏國之元氣也斯人之耗元氣也

已甚吾恨不得借道輔擊蛇之笏當眾摧之以為世

戒吾子何猶及其才予於是始知朝譽之介過人遠

甚不特恭順足悅而已

楊萬程任潮州府學教授溫和近人容止慎重課試諸生必面可否潮人稱之仕終台州知府

康太和字原中一字順卿選翰林庶吉士歷南工部尚書拙於官序有長者稱與閩縣林廷機同時喜其為人齋書學林以志慕焉

陳策字時偕初為九江推官質誠曉暢九江人愛之入為御史與同邑鄭芸吳人伊敏生並疏劾嚴分宜出按廣東恪執憲度嶺徼肅清未代嵩授意銓司出

守台州尋禡職

林應節任松江知府裁革常例清節著聞仕兵備副使軍糧皆手自給散軍人德之終叅政第以其不教不肖子不滿於鄉論

鄭鏊字亦鼎今青田事入瞬息物無遁情臨治未幾百贖遣裕青田前令譚孔言有清節父老相謂曰惟譚之貞與鄭之能官終南戶部員外郎能詩

黃繼宗字允肖教諭樂安擢令安仁撫民捕盜剛果有為居家孝友兄弟五人更衣共被捐俸葬族屬十餘喪起復來陽縣未赴卒

鄭應旂嘉靖間貢士博極羣書過目不遺尤長

賦頌

許效賢字子官嘉靖中訓新昌喜誦說仁義論難經
旨辯註疏異同諸生歲節餽遺皆無所受有終喪而
以幣見者歎曰吾聞禮尚賄賂吾未之能行而反有
受於子乎署縣事以贖金置學田若干畝

張秉壺字國鎮嘉靖中以上海令高第入為戶科給
事中戊申北虜入懷來御史以失事聞秉壺奉璽書
往視徧歷塞上歸而圖上方畧 世宗嘉納下

本兵一如秉壺議尋進吏科都給事中庚戌虜犯京
師時 世宗齋居西內久秉壺率同官上疏請

還乾清視朝聽政以風勵百官 世宗怒甚然
竟不責也已真人陶文仲以禱雨有應進封伯爵秉

壺復疏

祖宗故事非軍功不封仲文勤無汗

馬寵荷苴茅勞臣曷勸願收成命不報歷太僕寺少
卿以忤分宜相罷

林學道字致之從蔡文莊清王文成守仁學為高第
嘉靖間授都昌訓導丁祖母憂服闋補定陶陞無為
州學正以疾乞致仕年七十卒三庠俱祀之學宮學
道體不勝衣言不出口而向道甚勇義利禮法甚嚴
家居正容危坐非寢不脫巾履為諸生時嘗游學吳
中有薦於僉事某者抵門聞其居憂宴會曰非吾徒

也遂去之徐文貞階謫延平推官時願見學道學道
不往及其訓都昌會文貞亦督學江西喜曰吾今得
見林致之矣文貞題學道像曰顏勤閔孝柴愚參魯
若在聖門依希叅伍所著有原教錄學者私謚曰貞
脩先生

彭希賢仕兵部郎中奉親友諸弟無私財人稱篤

篤行

林芸字吾重少孤貧父歿嶺南芸稍長奔奉父櫬以
歸而奉母至篤以孝廉蒙獎者屢嘉靖中登鄉薦授
歸安學諭得安定遺矩歿于官諸生爲之服喪

助殯

李德用字于又授廣東長樂縣介不能養交六年弗
遷乞致仕不俟報徑歸殷分廵知德用清苦檄縣贖

百金爲贖堅辭不受卒于途子多見以吏部郎出爲
浙江大叅尋以吏部謫久之擢守松江復以南計部
謫臨行之日松江人壘城門畱之終瓊州知府

昌應會令漢川縣當漢江下流土田歲被滄沒應會
極意拊循輕緩徭賦嘗有盜夜劫民舍應會聞之即
馳而逐盜盜截其兩耳去已得盜盡殺之景王出封
安陸奏討庄田闌及漢川中璫暴橫倍索應會故持
之中璫怒其強項奏逮繫按察司獄者累月漢川民
千餘人遣護哭白其罪竟得直改會宗縣陞廉州同

知官終長史

阮琳字廷佩宋阮駿裔教諭金谿爲諸生講明正學擢令恩平勤撫字典學校文學吏治一時推獎歸田結景真會誨誘後生所著有經書講義性理儀禮律曆註解圖書紀愚諸集

方大樂字憲夔初授順德縣以戶部郎出爲潯州知府愛民惜費簡靜自持潯人德之祀名宦廖賓字君用令德興居官持重政多長者

翁夢鯉字希登知金華縣擢戶部主事權許墅關倭夷蹂躪吳會商旅少至請蠲歲額不從時論黜之事竣轉餉之邊以過家踰限謫倅潮州潮守缺夢鯉攝

守事潮方中倭率先士卒與戰鮫浦南灣三河前後斬馘七百有奇踉蹌沒溺者以千計倭旋遁而廣寇張璉吳商王學舉陳噐之等復乘間發至有執其縣令而欲甘心焉者夢鯉指授方畧或擒或散竟以令歸久之移守開州比行復解程鄉之圍入開未幾惠潮倭踵至乃移夢鯉丞惠州又攝潮州與總兵俞大猷會勦于可塘與叅將湯克寬王詔夾擊于九龍山多所擒斬會興寧柘林間嘯聚甚衆吳平林道乾兩巨盜出沒海島中南贛撫臣疏請自嶺以東特設海

防僉事以夢鯉爲之於是平河源服五峒大星港擔竿洲所在奏捷威名大震勞悴殞官粵人惜焉

蕭桂字懋建祖儼見帝布桂嘉靖間貢士三仕爲博士孝謹馴確卓然儒宗子奇勲南戶部員外奇熊永昌同知奇休湘潭知縣

郭應聘字君賓宋孝子義重之後父湍教諭靈山教授太平府以古行自期教士先倫本終太平通判應聘舉嘉靖進士授戶部主事典積司庾權稅驗糧皆以廉勁著稱遷員外郎中出守南寧罷諸不便與民更始東粵寇起發兵佐制府平之兩人計治行皆第一

擢四川按使副使備兵威茂兼攝松藩西戎故索賞驕甚諭以禍福爲立賞格却無名之求諸蕃咸感激謝去轉廣東布政叅政守嶺南流賊犯增城執辱前守吏發兵擊破之并破從化龍門二原諸寇轉廣西按察使尋晉右布政使忠州酋黃賢相與思明酋爭地應聘密授畧兵憲夜擒之轉左使巡撫都御史殷正茂爾古田寇綜餉叅畫率仗應聘以首功授上賞亡何代殷任奏以忠州四都地去土設流詔建州曰新寧羅陽酋帝金彪大剽近邑應聘復授畧兵憲間其父若弟購之獲之萬菁中府江峒猥數出寇江

上應聘集土漢兵分水陸進討悉殲之設土司弁賦其地復平懷遠諸叛徃巢壘皆除乘勝剿永福寇獲首虜千級加兵部侍郎鎮撫如故旋召入爲戶部侍郎以憂歸久之十寨諸徃復熾

上念應聘熟

粵事以兵部侍郎起家再撫西粵諸徃聞之各鳥獸散因請留宿將假土酋常應鰲世守之三年晉右都御史兼兵部侍郎總制兩廣會安南侵下雷歸順土酋界諭以利害安南上表謝罪悉還所侵先是東山營卒亂至是乞降應聘戮其元兇他釋不問有二夷

帥以通販至灣守者將掩爲功獻所俘三百人鞠驗無他悉縱之召爲南京副都御史尋晉南兵部尚書

始應聘總督兩廣時作旌廉杜餽二功令頒諸將吏將吏無敢操一幣詣轅門者汰冗役悉蠲津灣諸稅以利粵民省其供億迨遷南京籍餘餉萬五千有奇上之時丘太宰樞問海中丞瑞曰郭中丞鎮而粵地增毛幾尺矣中丞曰然哉然哉以病乞骸奉溫旨馳驛歸抵家卒年六十七贈太子少保諡襄靖應聘平生謙抑不伐跋跋若儒生至於握機制勝似有神授所至以清慎稱而絕無躁進邀功之意

方亮采字廷贊知宣平縣約日課士寒暑不輟乘量

田後行扒平新法歸額定里手自編裁每折獄諭以
人倫大義聞者感悅萬曆二年入覲磨筦庫羨餘弗
納至京卒

林澄源字仲清以戶部郎出爲貴州叅議水西安酋
亂當事者議用兵而澄源議撫逾年晉按察副使備
兵威清卽用前所撫酋授以方畧寇發輒誘擒之滇
黔間晏然轉叅政鎮威清如故鄒進士元標以論劾
江陵相成羅施道境上澄源與盤桓彌日人咸危之
澄源曰昔徐晦越鄉而別臨賀后山出境而見子瞻
彼何人哉後以廣西按察使轉四川右布政乞終養
歸

游日章字學綱令臨川政尚寬厚獨嚴豪右流寇入
境畫策守禦賊遁去在臨五載潔已惠民權刑部郎
出爲廉州知府廉俗婚姻以檳榔爲定中有悔者乃
教之作聘書依古禮蒞任歲餘卒日章平生嗜學所
至挾書自隨下至稗官小說靡不總貫條析所著書
百餘卷藏于家

宋劾周字肇斯授海陽學諭遵行憲綱自持方謹擢
知容縣復乞教職以便養不允旋丁內艱服闋補和
平和平盜鄉至則以德化之皆感激無復出剽掠會

制府徵需煩苛効周移書規調遂劾論致仕居家絕跡公門教人以經書小學為常課謂嚮往須擇中守正造詣須積漸致精工夫須循常務實所著有恠恠子踴踴言日格子正俗編等書學者稱斯齋先生

吳一奇字偉卿嘉靖間知河源縣時五峒初平藍能之寇猶肆劫掠一奇撫瘡痍防寇警政尚簡靜多方節縮以不能粉飾阿奉坐論劾改教父老子第三百餘人詣巡按哭留巡按悔曰吾據監司署考耳令得民如是耶是吾過也詣監司監司曰不獲乎上民不可得而治若等未聞耶歸善縣門外一堆土何足有無吳令此類也時歸善彭令亦以失上官意獲罪百姓為立生祠于縣門之右故監司云云

王宜字廷義仕禮部員外居鄉安靜足跡不及門

林大經字世典隆慶初舉人授揭陽教諭視邑篆多善政未幾擢令彭縣會揭令以艱去戎事方殷揭父老請大經留治揭當道疏請遂以揭易彭時海賊林道乾林鳳勢甚猖獗大經繕甲增堡賊不敢跡其境藍田山寇劉興策負險肆掠復推誠招諭皆束身歸遂并賦其地制府上功有金帛之賚擢南廷評轉左寺正出守石阡單車赴任罷諸民所不便剖決無留

歷宦十七載先廬故田悉讓諸弟自處徒四壁短袍
蔬食怡如也

程拱宸字仲星隆慶初授鎮江府推官擢戶部主事
稍遷員外郎中萬曆八年出爲江西副使備兵徽寧
六郡地江礦二防嚴爲要束又城所屬之未城者凡
數邑擢叅政已按察雲南布政廣西秩滿晉應天府
尹南通政使南都訟牒繇通政達法司拱宸如例具
訊事大者始移法司餘悉罷遣之於是訟以日簡法
司以贖鍰公費無所出譁不能平南臺因疏列其事
方得上旨量移而拱宸歸矣

陳瑛字廷玉宋忠肅文龍之裔初授南戶部主事權
舟淮陽多所釐革當事者以諳河渠薦改工部虞衡
主事督造清江漕艘悉以舊版佐築河又裒新版之
羨佐成高家堰河漕諸大臣才之以塞鄭口功遷員
外郎旋詔以都水郎中董中河事因開梁山新河經
羊山至古洪十有二里又開景山故河以助梁流所
費水衡金錢甚省陞俸一級滿九載復以寶應月河
成擢山東左叅政督漕儲尋擢廣東按察使河復決
睢邳間召還爲徐淮兵河道與潘司空季馴按行河
凡築新舊大堤及橫圍月堤爲丈十有三萬六千有

奇濬故所開境山之河南北為丈二百二十有六塞
决口三砌滾水壩四丈壩二十有二擢右使以外艱
歸卒瑛孝友坦易仕績皆在河上河壩之民祀之

宋萬葉字啓紹父正見常布萬葉嗣為伯父後事嗣
母盡孝壬戌之變嗣母陷倭將刃之萬葉徬徨乞以
身代倭釋焉舉進士為楚黃司理父歿奔歸或謂非
例泣曰天下有無父之國哉楚撫按特為具題今為
人後者得給假治所生喪自萬葉始也服闋補漢陽
江陵相賜假歸楚道出漢江獨以他故不往迎謁失

江陵意滿六載始遷廷尉評復五載出守南安寸絲
尺帛不取之民擢雲南按察副使值藩臬之人兼攝

數道夷民安堵于光台見常布

林東興萬曆初以貢任潯陽訓導博學醇行有荔庭

詩彙十二卷

吳獻台仕紹興府推官入為吏部陞藩臬諸使而皆
在浙江最後以江西右布政陞順天府尹終官為人
恂篤臨事甚慎以厚德名鄉

林道楠字廷任起家進賢令強直端謹蒿日為民歲
饑發粟乘小艇徧歷窮鄉計口賑給夜則以舟就茭
不入民舍會丈田躬自履畝分則定賦雖貴勢不少

狗召爲御史巡按陝西陝故行邊食皿器物皆用銀
道楠詰之從人曰例也兼防醜道楠命撤之曰吾以
恩信投人何防之有侍郎某以其所親郡守爲囑守
墨甚彈罷之在臺十八年漠然不徙居恒恭謹磬折
揖賤豎額地至遇事無避就忼慨論列然大歸會情
傳事當可否而止持斧所至風裁凜然未嘗受屬吏
一金遷太僕寺少卿卒卒未一年家貧甚二子單步
走食進賢人特祀之

沈夢熊字仲武萬曆戊戌侯官教諭惇惇以躬行訓
士相贊修祭器修學舍毋令屠沽兒寢處其中以雜
馬隊遷德清令

陳泰交萬曆中知靈璧沉毅明敏執法不訛始至革
包收催頭令花戶親自投櫃不及一錢者許納錢革
伏水河夫馬戶外幫與里甲各色科擾歲省民費無
筭行條鞭平一賦窮民盡蘇復業者數千戶力斲巨
蠹一境肅清

盧廷選好讀書仕南昌知府大脩郡志而留心本
朝先輩之文章收錄存之仕至江西叅議

周如磐字舉進士選翰林庶吉士天啓末拜相
卒如磐一片忠誠坦夷無物士大夫皆稱之不久卒

官鄉邦無色

黃起龍好讀書家中藏書以萬軸仕南吏科給事中
薦進知名之士不啻口出坐累謫官竟不起

閩書卷之一百十三

英舊志

縉紳

興化府

僊遊縣

唐進士

乾寧元年甲寅陳乘

天祐二年乙丑楊在堯

三年丙寅陳光義

薦辟人材賢者雜見列傳中

有傳

陳乘

鄭良士

楊在堯

陳

郁

陳乘仕秘書郎退居里中與王延彬鄭良士徐寅輩以詩唱和

鄭良士舊名昌士字君夢博學善屬文唐昭宗景福二年獻詩五百篇授國子四門博士累遷康恩二州刺史兼御史中丞天復元年棄官歸隱乾化五年赴王審知辟命轉左散騎常侍沉厚寡言審知稱其長者有白巖文集詩集中壘集子元弼仕閩為禮部尚書元恭秘書省較書郎元素別駕元龜第宋進士官至司馬元禮推官元振員外郎元瑜秘書郎元忠正字兄弟俱博學能文時號鄭家八虎元弼行事見君長志

楊在堯官右補闕有文集

陳郁篤學博覽仕閩主曦為諫議大夫每休沐鎖門焚香誦經故得免於禍

宋科第

太平興國二年丁丑鄭元龜唐良士子也

景德二年乙巳葉賓

大中祥符元年戊申 蔣俞 陳拱

天聖二年甲子廖鈞

五年丁卯蔡袞 張式

八年庚午蔡襄

景祐元年甲戌劉拯

張平叔

楊暈

蔡準

陳誥

一作浩

葉傳

賓子

蔡高

襄弟

諸科 葉芳

寶元元年戊寅許稹

諸科 留萬

慶曆二年壬午吳乘

吳秉

乘弟

郭琪

阮遵

丘子

雲

許章

稹侄

許程

稹兄

六年丁未許頴

稹叔

許懋

頴侄

余象

諸科

陳輯

皇祐元年己丑丘子諒

吳演

鄭昇

陳公言

陳淳

蔡立

陳闡

一名方

五年癸巳蔡頊

李昂

諸科

郭尹

琪父

丘從

嘉祐二年丁酉諸科

鄭少連

六年辛丑許噩

懋弟

八年癸卯章啓宗

鄭前

少連從弟

治平二年乙巳黃宁

四年丁未朱紱

陳瑄

一名無

陳大卞

公言子

傅楫

葉牧

賓從孫

熙寧三年庚戌蔡京子蔡卞京子葉阜賓從鄭汝賢連少

從

六年癸丑陳次升 鄭習 許巽子王回 陳開

余授象

九年丙辰陳覺民 林豫 許異子

諸科 鄭君陳前從 陳詔

元豐二年巳未朱寘紱從 蔡觀

諸科 蔡昇

五年壬戌許堯夫巽 許安雅懋

特奏名 蔡雍

八年乙丑許敦仁 葉確賓從

特奏名 阮之才遵 朱經寘 葉銳子

元祐三年戊辰特奏名 洪延

六年辛未陳安仁大 洪中 傅權楫從 許賁異

陳與 傅希龍權從 傅求楫從

特奏名 陳諮

紹聖元年甲戌陳顯仁大 許堯輔穎 傅友諒楫

黃顯 傅巖楫從

特奏名 葉伯元確 張弼

四年丁丑林頰 陳魯詹

特奏名 葉苾

元符三年庚辰陳暉

子開

鄭與權

汝賢

子

傅義夫

子楫

郭安行

陳驥

黃沔

顯

陳高

子

王庠

初名履

余寬

特奏名

葉寶臣

子

丘向

崇寧二年癸未蔡佃

子

三年甲申恩賜出身

蔡攸

子京

五年丙戌林煥 林宋卿

特奏名 王震

大觀元年丁亥賜上舍及第

陳璘

子

葉觀

子

三年巳丑陳性仁

子

蔡仲

子

蔡楠

子

蔡條

子

陳大和

孫

洪範

子

特奏名

鄭範

子

傅耘

政和二年壬辰許升

子

張軛

陳宋輔

子

陳可大

特奏名

陳寵

初名

陳次顏

弟

陳次宗

五年乙未蔡樞

子

蔡佑

子

蔡仍

子

陳時彥

子

蔡衍

特奏名

許宗成

子

傅佇

子

重和元年戊戌陳駢

弟

傅佇

子

傅族

特奏名

陳子臨

宣和三年辛丑許彥正

子

傅知柔

子

許振

子

六年甲辰蔡榕 蘓欽

特奏名 鄭紀 傳行已子岩 許堯臣子巽 陳子碩子方

陳子翼子碩弟

建炎二年戊申陳辛 吳自得

特奏名 丘山

准赦文推恩 葉繼顏寶臣孫 陳南夫 陳昂

紹興二年壬子葉顥賓孫 林宋臣宋卿弟 林宋弼宋臣弟

特奏名 傅共子權

准赦文推恩 郭延年

五年乙卯特奏名 葉專

八年戊午特奏名 余瓌

十二年壬戌郭曉琪孫 陳騶騶弟 傅若 廖鵬飛 陳君翼 陳大安

陳明卓

十五年乙丑特奏名 葉維益維顏弟

十八年戊辰陳豐騶子 蔡理

特奏名 陳景 傅知新知柔弟

二十一年辛未蔣雝 林一鶚正侄 葉叔僑傳玄孫

特奏名 戴廷珪 陳邦光大子 許可久彥正孫

二十四年甲戌傅牧巖孫 許知新克夫孫

特奏名 丘侶 許士讜 陳筴

二十七年丁丑陳施明 蔡頓子樞

三十年庚辰傅淇子衍 陳大亨子禧 留洪

特奏名 陳震 陳宗伯 傅從 林緯 傅靖

陳大知弟大和 韓任 吳自牧 吳高 鄭齊奭

陳利賓 陳車

隆興元年癸未陳讜子豐 蔡珏子理 許亞璟子振 鄭文炳賢汝

曾孫 留澄弟洪

特奏名 許惟高子彥正 劉嘉謀 黃宸 傅標

陳榔 郭邦光

乾道二年丙戌蔡戡孫伯 丘商隱孫向 丘微之孫山

特奏名 陳筠

四年戊子特賜出身 林豸子顏

五年巳丑許巽

八年壬辰朱泳 林璘子緯

特奏名 廖裕

准赦文推恩 余鄒子璪 吳昭忠 林榕 嚴徽

淳熙二年乙未葉立功孫確 林肅子魯

特奏名 洪居寔子範 丘綱從兄

五年戊戌余崇龜子夏從 余元一崇龜

特奏名 蔡棠

八年辛丑傅誠

牧子 傅丙 楫孫

特奏名 傅藻

十一年甲辰蔡師言

頓子 蔡諒 樞孫 傅誠 誠弟 傅公稜 楫孫

孫丙弟 蘓權 欽子 葉立志 立功弟

特奏名 蔡謙 樞孫 陳元熾 陳奎 留俊求

陳度 許躋 可父弟

十四年丁未傅益 鄭千之 傅大聲 誠從子

恩賜出身 葉翬

紹熙元年庚戌蔡點 榕從子 陳夢烈 夢卿從弟 許興裔 知新子

黃南一 孫 王鑑 孫

特奏名 陳廣 度子 鄭衍 文炳子 蔡頤 點兄 葉樞 維益子

林文寶 縉從子

四年癸丑傅熿

特奏名 葉季友 顯侄 蔡碩 襄從侄孫

慶元二年丙辰蔡詵 襄五世孫 蔡敷言 頓子 陳千齡

特奏名 李夢庚 昂侄孫 洪叔度 中侄孫 黃民望

陳如晦 利賓侄 陳公翔 廖復 鈞來孫

五年己未特奏名 郭淵 峽從子 李戊 林如璧 豫孫

留文瑞 洪從弟

嘉泰二年壬戌鄭勳文炳從孫余日華崇龜子

應童子科 蘓方子 郭懿叔尹 傅倣翁 傅廣

開禧元年乙丑陳拱之寵曾孫 郭子力延年曾孫 林復之緝

孫 蔡騫戡從弟 郭連子力叔 林宜可復之從弟 陳薦筠

特奏名 傅汝霖知新子 陳林明卓孫 陳暹

嘉定元年戊辰紀用 許彥為巽子 陳珙林

特奏名 林仲梁復之兄 林洙一鶚 傅大任大聲

四年辛未許宗旦頴玄孫 留三益澄孫 林嶸復之弟

特奏名 林鴻洙弟 余孝伯崇龜從弟 留均洪

七年甲戌葉槃顯侄 李夢龍戊子 鄭可復昇侄

林日選如壁侄

特奏名 陳立中 吳必聞昭忠侄孫 王斯觀

十年丁丑陳作謀大十玄孫 王邁鑑子 蔣有秋離 林有之

宋卿孫 蔡庶襄孫

射中推恩 鄭豈鄉 黃一之 林大有肅

十三年庚辰蔡淳甫謹子 林礪 趙愍夫

傅燁公稜子

特奏名 鄭夢賢少連孫 丘惟清 林周 葉煥樞

傅矩大聲弟

十六年癸未許夢庚宗旦子 鄭昂新 陳儼

特奏名 鄭璟 夢賢弟 朱首諒 泳侄 鄭康時 勳弟

推恩 陳天叙 公言孫 林日嚴 日選兄 陳蒙徹 林鵬

寶慶二年丙戌丘巖 李夢能 戊侄 鄭列 少連孫 洪天賦

蘓國蘭 欽曾孫 林從周 確從孫 陳立伯 寵曾孫

特奏名 陳作义 顯仁曾孫 張必強 吳良弼 自得侄孫

紹定二年巳丑陳夢凱 大十孫 洪蕪 居寔孫 林志之 蟠弟

特奏名 蔡宗傳 仁輔子 陳冲飛 可大會孫 朱穎之 泳侄

鄭谷 少連孫 林立軫 蟠從兄 傅萇 楫孫

五年壬辰蔡儀甫 佃四世孫 葉大有 顯侄孫 林灝 從周弟

特奏名 朱起發 穎之弟 李夢疆 戊子 喻峙 詹全

端平二年乙未謝汝翊 陳堯道 冲飛侄 陳湯 黃君

任 謝升賢

特奏名 尤彬 傅亮之 竹孫

嘉熙二年戊戌鄭珪 林龜符

淳祐元年辛丑林汝沆 豫玄孫

特奏名 黃師錫 沔孫

四年甲辰余君節 崇龜從子

七年丁未蔡儀國 襄來孫 章夢旂

特奏名 陳之亮

十年庚戌陳垣伯次升五世孫

特奏名 林士元灝弟 蔡德言襄六世孫 傅奕之大舉侄

寶祐元年癸丑特奏名 黃龍翊

四年丙辰傅一新求侄孫 王里邁從侄

特奏名 陳泰之 留夢森

推恩 林邁 陳昂新

開慶元年己未陳登鳳大卞來孫

景定三年壬戌傅炎發大升侄

咸淳元年乙丑傅夢澄

十年甲戌傅登炳 傅虎臣 傅雷龍

特奏名 傅桂發炎發弟 傅巖起

京炎中推恩 傅翹叔 傅騰輝

薦辟恩蔭賢者雜見列傳中

有傳

葉 賓 孫顯顯子元 顯孫棠 賓從子


確曾孫 顯從曾孫 孫大有 蔡 襄 弟高 孫傳

佃 伸 傅子櫛 樞 懋

裔孫洸 茅知至 許 稹 子巽 侄章

從弟懋 郭 琪 侄孫曉 從玄孫 余 象

侄授 鄭 昇 孫可復 陳 闡 從子高



鄭少連

朱紱

子宗

孫元飛

侄寘

從孫泳

詠侄首

陳大卞

子顯仁

傅楫

子諒友

謙受

從侄權

楫諸孫

竹子汶

洪

淇從子

誠從弟

從子大

權從弟

龍從子

陳次升

王回

陳開

陳覺民

知柔

子師說

師舜

黃顯

從子沔

林豫

陳驥

子豐

豐子謙

諒

張弼

陳驥

子豐

諒

林宋卿

孫有之

陳太和

林正

子一鳴

一鳴子

正侄一

鸚魯孫

蘓洸

子權

陳可大

侄冲飛

飛子堯

陳吉老

子希造

孫微之

從孫杞

林彖

林肅

余元一

弟崇龜

龜子日

陳夢烈

鄭勳

陳琪

王邁

林磻

鄭昂新

丘獻

洪天賦

從弟處

謝升賢

尤彬

陳之亮

厚

謝升賢

尤彬

陳之亮

葉賓字虞卿歷海陽簿桂陽今廣州節度推官建州

節度掌書記以屯田都官二曹郎出知泉州通判南

劍州事劍當閩衝水行持販茶鹽禁物上下山出銅

銀冶場凡三十餘所聚四方游黠輕剽劫擊殺黨與

率連事日下吏懼滯繫被罪率不暇精覈宿專意詰決民盡得情獄無留焉子傳泉州司戶叅軍所至脩職既去人輒思之孫顥顥顥見弁韜從子確

顥字子昂簿南海徙知貴溪上虞二縣定租稅繇役具便民有法則遷司農寺丞賀正中薦顥端方靜退遂得召見顥入對剴切高宗嘉納除將作監簿出知處州青田令獻羨錢百萬顥詰令何得羨耶命以代本縣民戶輸納夏租湯思退之兄家奴犯禁一切繩以法移守常州金人犯邊高宗視師建康道常賜對舟次言金主亮已死其部將統人馬二三十萬北歸帖無異變是虜將亦未可輕今日爭言進取在陛下

審之上曰卿言極是始常之逋緡錢四十萬前守坐免顥至郡無旬月儲不歲餘羨緡錢二十萬召爲尚書郎除右司孝宗卽位詔求直言時秀王伯圭爲台州顥疏言陛下以州郡重寄付手足至親得無見利一人害一方人稱其直除吏部侍郎復權尚書言典選一塗衣冠清濁之所從出而吏胥得操其柄是使之入銓曹與吏爲市出銓曹與民爲市不可思所以革之乃與郎官編七司條例爲一書孝宗嘉之令鐫木頒示乾道初召對便殿因問鄉當官何先對曰真

宗皇帝所製文臣七條盡之矣清廉臣分公忠實要
孝宗曰卿無忘此除端明殿學士拜叅知政事兼同
知樞密院事武臣梁俊彥請稅沙田蘆場孝宗問顥
顥對曰沙田江濱地也生沒無恒蘆場則臣未之詳
但辛巳軍興蘆場田租並復今沙田不勝其擾孝宗
曰誠如卿言顥至中書召俊彥責之曰汝言利求進
萬一爲國生事死不足贖是日詔沙田蘆場並罷戶
部侍郎林安宅請兩淮行鐵錢顥力持不可安宅不
能平及擢諫議論顥子受宣州富人周良臣錢百萬
得監鎮江大軍倉御史王伯庠亦論之顥乞下吏辯
明乃以資政殿學士提舉洞霄宮下臨安府置對無
實獄孝宗免安宅伯庠所居官安宅仍貶筠州召顥
入勞曰卿清益明除知樞密院事未拜進尚書左僕
射兼樞密使引薦汪應辰王十朋陳良翰周操陳之
茂芮曄林光朝等可備執政侍從臺諫給舍之選時
方召見鄭聞啓擬除右史而外已傳播命未下陳俊
卿以語顥顥問所從來俊卿云聞之洪邁邁聞之龍
大淵顥乃於上前極論大淵曾覲竊弄威福孝宗曰
朕不憚去此輩後有事大此者卿極言之是日大淵
覲俱被斥孝宗以國用未裕詔宰相擬國用使叅政

同知國用事顥言今日費財養兵爲甚雖曰汰之而旋招之欲足國用當嚴於汰而緩於招若欲生財祗費民爾孝宗嘆爲至言三年冬至郊雷雨作顥引漢故事上印綬除左正奉大夫提舉江州太平興國宮卽日出關抵莆無疾卒年六十八以觀文殿學士致仕遺表聞孝宗追悼贈特進累贈少師謚正簡顥簡易清介與物若無忤至處大事毅不可奪友人高登上書譏切時相召捕甚急顥與同卽適令逸去登曰不累君乎顥曰以獲罪所願也卽爲具舟舟移乃去自初任至宰相服食僅妾田宅不改其舊子元泳孫宗從曾孫大有

元泳繼顥復令上虞助田養士人稱濟美
崇字次魏以顥澤授承務郎光宗中累遷知邵武軍
陛辭首奏乞法孝宗光宗問法孝宗何先崇奏孝宗
二十八年之治不出仁孝勤儉四字光宗和顏納之
遷太府丞丐外知台州紹定元年大風雨城幾圯水
極力防禦尋擢浙東提舉明年台城竟爲水所陷朝
廷以崇得台民心亟發常平錢米遣措置賑恤崇請
于朝乞撥紹興府官會五萬貫米二萬石給濟仍乞
放免本州茶鹽酒醋雜稅一年續有旨令崇兼攝州

事仍撥降安邊所官會二十萬貫儲倉米七萬石以助不給棠分遣僚屬選委寓公隨鄉煮粥以活饑傷用資遺撫及流移於是重築城堤堅牢高厚越歲再水莫能衝突朝廷嘉之增棠二秩會山陰謀帥廟堂將有啓擬上曰葉棠鎮靜誰可易之晉直徽猷閣知紹興府充浙東安撫使屢上祠請改知太平州寧國府再予祠召爲將作監命下而沒子彥昞歷司農寺丞知邵武軍

確元豐進士蔡京當國確與朱宗皆京內姻未嘗一詣其門後欲除確蘄州守令人約一見然後上請確儻然掛冠去任終河北提舉曾孫立志

立志調南安尉縣有死獄檄往驗視其屍無首立志焚香告天夜榻屍側夢神人語之首處殺者某人遁於某所果皆得之改知上饒有蕪聲官至惠州通判子衮泉州通判傳晉江尉贈少師

大有字謙夫授英德府教授秩滿除國子錄輪對理宗首以國計諸務爲問大有歷歷指陳爲理宗所知累遷秘書郎出通判徽州召赴闕除正言蕪侍讀力辭理宗諭朕自知卿擢卿朕意也旣拜命䟽論儲嗣紀綱人材爲國家命脉反覆數百言又乞救民饑寬

民力遷左司諫奏抑內降保直臣罷外戚授官遷殿
中侍御史奏惜名器惜民命惜財力惜天時四事尋
監省試蕪知舉遷侍御史獻備邊三策薦浙東憲臣
蔡抗可大任遷右諫議大夫辭除刑部尚書力以母
病辭以寶章閣知温州辭理宗固留之賜之累劄有
性質醇雅議論和平待鄉有加念舊難釋之諭大有
不獲已奉母之官未幾母死大有亦沒遺表聞理宗
惜之大有出入館閣言路凡十餘年前後敷聞百餘
奏皆士論所歸但其排擊程公許黃師雍牟子才諸
人議者不以爲然

蔡襄字君謨年十八以農家子舉進士爲開封第一
名動京師授漳州軍事判官西京留守推官改著作
佐郎館閣校勘范仲淹以言事忤丞相呂夷簡落職
知饒州集賢校理余靖入諫落職知筠州酒稅館閣
校理尹洙請與仲淹同貶斥監處州酒稅而司諫高
若訥知上貴幸丞相不敢言校理歐陽脩移書責之
若訥怒上歐陽脩所移書脩亦坐貶令夷陵襄於此
時作四賢一不肖詩以識其事詩成都人士爭相傳
寫契丹使者至買以張於幽州之館一時稱重慶曆
初天下無事士大夫寬弛久安仁宗慨然思正百度

以脩太平排群議進退二三大臣親擢靖脩及王素
三人爲諫官使拾遺補闕襄又以詩賀三人亦競薦
襄於仁宗仁宗亦命襄知諫院兼脩起居注遇之甚
寵襄值事感激無所迴避權倖畏斂不敢撓干而仁
宗益與大臣圖議屢下詔書勸農桑興學校革弊脩
廢天下悚然知其銳於求治於此之時言事之臣無
日不進襄補益尤多四年以右正言直史館出知福
州便親遂爲福建路轉運使復古五塘以溉民田奏
減五代時丁口稅之半丁父憂服除判三司鹽鐵勾
院復脩起居注御史唐介直言忤旨襄獨明其忠旣
改春州別駕襄又上疏此死謫也介得改英州亦遂
復召用矣皇祐四年遷起居舍人知制誥兼判注內
銓御史呂景初吳中復馬遵坐論梁丞相適罷臺職
除他官襄封還辭頭不草制其後屢有除授非當者
必皆封還而仁宗遇襄益厚至和元年遷龍圖閣直
學士知開封府三年以樞密直學士知福州未幾復
知泉州襄在福州禮士之賢者以勸學興善而變民
之故俗除所甚害往時閩人專用賦應科舉襄得鄉
先生周希孟以經術傳授學者爲親至學舍執經講
問延見處士陳烈尊以師禮而陳襄鄭穆其德行著

稱襄皆折節下之以風教生徒閩俗重凶事奉浮屠會賓客用盡力豐侈爲孝否則深自愧恨爲鄉里蓋姦民游手無賴子幸而貪飲食利錢財來者無限極往往至有數千百人蓋有親亡秘不舉哭必破產辦具而後敢發喪有力之家乘其急而賤買其田貧者立券舉債終身困不能償襄曰弊有大此者邪卽下令禁止至於巫覡主病蠱毒殺人之類皆漸斷絕之然後擇民之聰明者教以醫藥使治疾病子弟有不率者條其事作五戒諭教之其在泉州距州二十里

萬安渡絕海而濟立石梁之長三百六十丈種蠣於礎以固梁基又植松七百里蔭庇涂行閩人大便既

去相率詣州請爲立德政碑吏以法不許卽退而疏襄善政私刻于石嘉祐五年召拜翰林院學士權三司使三司開封世稱省府爲難治襄居之皆有能名談笑無留事破姦發隱吏不能欺至商權財利則較天下盈虛出入量力制用必使下完而上給簿書纖悉紀綱條目久之皆有法程仁宗崩英宗卽位數大賞賚及作永昭陵皆猝辦於縣官經費之外襄應煩愈閒暇遂拜三司使居二歲以母老求知杭州卽拜端明殿學士卒年五十有六襄文章清邁粹美工於

書畫頗自惜不妄為人書而仁宗尤愛稱之詔書御製元舅隴西王碑其後命學士撰温成皇后碑文又勅襄書則辭不肯曰待詔職也重於朋友聞其喪不御酒肉為位哭盡哀乃止累官禮部侍郎既卒翰林學士王珪等十餘人列言襄賢其亡可惜特贈吏部侍郎襄三子勻旬皆早世朝廷錄季子旻及旬子傳弟子均優賻而厚葬之乾道中孫伸請于朝賜謚忠惠弟高

高字君山第進士調長溪尉有媪二子漁海而亡媪指其氏為仇告縣捕之縣吏殊難高察媪有寃色陰跡其仇家與媪期曰吾為媪宿海上十日當得之既七日二屍浮出驗之皆殺也遂坐仇家民有夫婦偕出而盜殺其守舍子者高環石里民熟視之指一人曰汝矣亦伏法遷太康縣主簿府尹吳遵路素剛嚴高年少位卑能不懾屈遵路獨喜之以疾卒官高嘗語歐陽脩曰天子以六科策天下士而學者以記問應對為事非古取士意乃晝夜苦學及其卒也襄發高遺稿得十數萬言皆當世之務踰年天子與大臣講天下利害為條目有所改更於高稿得五六焉傳字永翁守將作監簿學古務實不遊場屋歷通判

南京留守司年四十三郎上章乞致仕子樞樞懋
佃襄季子旻之子蔡京與襄同族而晚出佃素不附
之政和初佃廷試唱名居首京侍殿上以族孫引嫌
遂降第二會星異上疏論宰相非人宜舉漢汲黯故
事以應天變責監温州稅官至朝奉郎

伸佃弟也政和進士通判徐楚饒真四州在徐州時
禁卒謀亂約夜半舉火伸聞部分密備仍戒故緩更
籌以誤之及火舉則黎明矣悉捕擒卒在真州日火
延燒千餘家民露處雪中老幼呼號盈道伸闢寺宇

官解分處火民且發常平廩賑給先賑後聞未幾改
知徐德安和四州初伸與秦檜同舍又同年伸以趙

鼎黨丐祠者累檜一日訪伸有念舊語伸不應出爲
浙東帥司叅謀官建炎紹興間盜賊蠡起戚方旣降
復叛伸單騎至其麾下說以禍福方素聞伸威望卽
出就招官至左中大夫卒贈特進子洸

樞字子強歷官直秘閣知泉州泉州人稱其有乃祖風
烈官至朝奉大夫

樞字子應歷官西京提舉學司主管文字御史常安
民在黨籍人多疏之樞獨事以師禮提舉湖南學事
潭州教授張所白事樞問所時事如此度今誰可任

者所舉劉安世樞瞿然曰自崇觀以來禁錮元祐之
學子乃敢伸公論若此耶卽薦所所繇此知名爲殿
中侍御史年四十五慨然嘆曰先公掛剋之年吾已
過之遂乞致仕

懋字子堅靖康中以父任會昌尉視事數月贛賊犯
境奮然曰吾職也領所部及士兵禦之力戰遇害贈
承事郎官其子顓後贈朝散大夫懋少好學問時出
秀句若竹靜深留月花多不辨香曙分林影外春盡
雨聲中皆世所膾炙又工字畫論者謂其得君謨用

筆之妙

洸字子平徙曹州仕至戶部尚書孝宗謂侍臣曰朕
以版曹得人爲喜除徽猷閣學士知寧國府奉祠卒
洸事親至孝所得俸以賑貧乏親戚去朝之日囊無
餘貲至售所賜銀鞍韉治行

茅知至操尚介潔不求聞達墳典博通倡道淑人景

祐中漕使龐籍疏薦于朝補州學教授一作補國子助教有

周詩義二十卷至性書三卷

許稹歷通判德州仁宗朝舉天下廉吏凡四十九人
稹與焉除監察御史未造朝而卒子異侄章從弟

巽字少陽知歸善縣尉有捕民爲盜者驗問非實不

為理尉囊橐上下必欲成賞太守入其說廷詰巽巽曰行法在太守執法屬有司卒不能強調提點坑冶司主管文字泉使宋之端欲薦巽以書令條上泉膜利害巽曰某書生安敢言利之端敬嘆服累遷秘書郎知滁州有以金餽吏者吏不敢受曰秘書知之措身何所改知漳州召赴行在道卒巽嘗謂居官之要清字作根鶉衣穀食其生自尊人號耐貧翁

章字潜道歷知建州除屯田郎中政不苛細所在有聲官終朝奉郎

懋字敏脩元豐中為兩浙轉運副使衢民坐私釀繫獄久不決懋至為明其寃民競詣佛寺飯僧為懋祝

壽遷左司郎中除直秘閣知福州

郭琪歷秘書省校書郎兵部郎中有貴戚曾性者奪民田累政不敢決琪判歸民竟被陷死蔡襄以詩哭之有如山判筆心常壯為國忠魂勢莫驚之語侄孫

曉從玄孫子力

曉初調廣州司戶禦賊馬上轉戰死之帥奏于朝官其一子

子力字景行授肇慶府教授時郡守事掇斂子力以言箴之守感悟且薦于朝調惠州教授校文程江監

試欲私所親以賄囑之子力正色却拒其人忿恨置
毒于酒子力夜夢神人爲滌其腸毒卒不行官至漳
州通判

余象慶曆進士歷官光祿寺丞首奏王安石議論詭
辨名實眩耀雖一時文人終爲異日之蠹出通判宜
州又奏安石小人也若果亟用必至紛更一時出安
石之門者皆惡之得蔡襄余靖力辯免仁宗亦知其
直就加秘書丞尋除太常博士英宗卽位召見特授
屯田員外郎謂近臣曰余象敢言朕常畏之卿等宜
自謹也出通判宣州州民至登聞鼓院乞象領州事
英宗以問司馬光呂公著對曰余象陛下汲黯也卽
授都官員外郎尋除屯田郎中通判南劍州遷禮部
郎中薦錢藻孫覺錢公輔范純仁遂力求致仕嘗著
論語集解中庸大義呂公著薦其書於朝神宗方欲
大用之而象卒矣任授

授初調候官尉捕盜改秩遷校書郎博學能文多所
著作官至京西提舉

鄭昇字元舉梁陳常州別駕淑之後刻苦問學尤深
易春秋皆有著述發其疑義舉進士終循陽理椽蒞
政有能聲孫可復

可復字彥脩舉進士調東陽尉縣人喬行簡方處要路族黨恃勢撓法可復屹然守正行簡深器之官至朝奉郎性儉朴無他嗜好俸餘悉市書籍手自編較晚年積至數千卷嘗脩爾雅及刊戴氏禮

陳闡字伯通舉進士令武平洞獠販鹽挾刃久為民患闡立斥堠訓丁壯境内晏然移知廣德縣多滯訟與民面議可否立決辟監建州豐國監時廖恩嘯聚閩嶺一路騷然安撫司檄闡經畫置水口倉立鎖港均定八州鹽估在任六年歲課增三十六萬緡後知建州歲饑境内有競糶者令疑為盜以狀白闡曰民饑爭食耳檄令杖遣之促出賑移知萊州乞致仕從

子高

高字可中舉進士召試除太學錄祭酒龔原司業傳楫薦其潛心經術尤深於易遷博士政和中始建太醫學遷太醫學司業累上封事以切直忤蔡京力請休致官至朝奉郎

鄭少連字儀魯力學能文累舉不第以特奏名調劍浦簿歷攝五縣民畏服之改判許州以老致仕朱紱字君貺治平進士以薦除王官大小學教授尋外除紹聖初章惇當國首唱異議紱被旨召對首陳

正心誠意知人安民之說除諸王宮侍講再遷翊善
元符初除都官員外郎鄒浩以論元符后不當立竄
新州紱出金贖行視諸公獨厚坐追一官勒停徽宗
登極用藩邸舊臣召赴闕累遷右諫議大夫給事中
時范純禮劉安世等屏黜於外悉爲論列蔡王府獄
興有司捕逮株連甚衆江公望言之頗切黜守外郡
紱封還制書言公望杜塞間隙以全陛下兄弟之義
以言罪之雖篤信不惑之士亦不敢直道自任况非
其人邪論駁再三出知壽州崇寧元年進寶文閣待
制真定府路安撫使二年中丞石豫力詆落職提舉
杭州洞霄宮入元祐黨籍五年起知福州蔡京復相
紱遂罷大觀元年依舊落職提舉洞霄宮卒初紱在
後省凡四月論駁無虛日政府遣人諭意曰上眷待
如此不日當在此地紱不爲動紹述說興紱以書責
京京得書大怒始力謀所以去紱者臺官諭意挾其
細故并以合黨王回締交鄒浩罪之建炎間復舊職
贈少保子宗孫元飛姪寘從孫泳

宗字成德以父任授長社尉累遷吏部員外郎除太
府卿徽宗尊寵潛藩之舊併錄其子多超進大官宗
父紱亦舊學之臣乃不自言亦無爲言者蔡京蔡確

與宗同里宗又未嘗一造其門坐久不遷靖康初近
臣薦召見欲用之而宗奏事觸宰相遂止紹興元年
召爲大理少卿建安盜起高宗勅制置使捕誅無功
除宗直秘閣福建路轉運使且趣入對宗曰愚民窮
困弄陛下兵將吏養寇誅歛益急勢將驅齊民爲盜
陛下第追還制置使付臣綏集臣可毋戰陳便宜十
事高宗嘉納之制置司方奏兵寡檄取錢數十萬宗
遺書責焉盜平卒如宗策官至右朝散大夫累贈中
散大夫

元飛字彥實少有美材學問慷慨入官三十年以強
直自遂獨行所志不爲勢屈浮湛選調行年五十乃
登王官簿書期會之餘命賓友從子侄登山臨水絃
歌賦詩放浪塵埃之外官至福州通判朱文公爲記
其歸樂之堂子浣洎漑俱遊文公門滾廣東帳幹
寘元符三年爲秘書省秘書丞以紱入元祐姦黨併
罷免政和元年起知南雄州辭不赴尋卒
泳字子游乾道進士調連江尉以捕盜改秩知海陽
縣爲政優撫字拙催科民感其德賦以時輸不勞而
辦尋除福建運管董試漕闡當路囑私其子正色拒
之卒於官任首諒

首諒字穎之調龍巖簿汀寇衝突長官巡尉皆棄縣
 去首諒獨守職招捕使陳鞞嘉之悉委以縣事身率
 士卒督戰盡擒賊黨鞞上首諒績力丐祠歸歷知香
 山縣以通直郎賜緋致仕

陳大卞字仲循治平進士歷知江寧縣用廉潔稱嘗
 與章惇有舊及惇當國屢招不往以明堂恩得封二
 親拜且泣曰吾不能與時俛仰黽勉仕宦為吾親耳
 恩封既及可以休矣遂致仕嘗著萬言書未上卒子
 安仁性仁顯仁安仁江寧府法曹性仁知南城縣

顯仁字藏用登第調古田尉大臣有薦其文行可領
 袖諸儒遂除教授嘉禾士多成就累官知潭州

傅楫字元通少從孫覺陳襄學襄女妻之登進士調
 揚州司戶叅軍揚守遇僚屬厲甚楫遇事未嘗希守
 意至捕其從者寘法守內不能平欲以煩劇困之檄
 攝天長令發摘隱伏姦猾屏跡轉福清丞帥曾鞞知
 其人與鈞禮歷大谷令則鞞第布為帥曰是吾兄所
 重者率部使交薦改知龍泉孫覺為御史中丞語之
 曰君盍少留朝廷且用君楫曰外官所當得也且仕
 宦所樂居中者免外臺督責耳今俯首權門與外臺
 奚擇遂去不顧道除太學博士居四年未嘗一跡大

臣門既蒲徑赴銓曹曾布方執政薦為太常博士徽宗為端王就學資善堂升楫記室叅軍進侍講翊善中人泣事于府者多與官僚狎楫獨漠然不可親一府嚴憚之五年不遷鄒浩得罪貶楫以贖行免官徽宗即位召為司封員外郎歷監察御史國子監司業起居郎拜中書舍人曾布自以於楫有汲引恩冀為之用楫畧無所傾下布大失望徽宗以舊學故多所延訪楫每以遵祖宗法度安靜自然為言他日李清臣勸徽宗清心省事徽宗曰近臣中惟傅楫為朕言甚詳楫在朝歲餘見時事寔異竊歎曰禍始此乎遂上疏正去以龍圖待制知亳州卒徽宗念其藩邸舊

臣賜絹三百匹子諒友謙受義夫諒友謙受見下義夫仕兵部侍郎

諒友字冲益天資恬淡博學善詩文第進士調吳縣主簿歷膳部員外郎知和州有冰廳文集內翰孫覲銘諒墓稱其文魁竒瑋麗九鼎十鼓詩隱隱大呂震越洋鏗可比諸頌魯而歌周

謙受字冲亨以父蔭補承務郎刻苦涉獵尤長於詩天性友愛雅量寬厚倅新安鎮靜不擾除夔州路轉運判官卒

權楫從侄先任大學錄時太皇太后爲高氏外家求
師有旨令太學選德行文藝著者祭酒司業以權
應命權登第唱名之日宣許特謝恩太皇太后賜
御厨食十合錢十萬金錢一千絹百匹及香茶等物
高大龍圖贈行詩有上林供玉宴聖母賜金錢之句
子共三薦奏名亦以文辭稱

佇字凝遠楫諸孫舉進士授無棣簿金虜陷全燕乘
虛南下兩河皆震郡檄佇餉軍人謂佇書生耳佇得
檄卽行飛芻挽粟不乏絕調南安丞歲大饑民棄妻

子相屬佇請出常平錢米設安養院糜粥之遷知晉
江會詔造戰艦躬督其役勞費半他邑事獨先辦轉

南劍州通判卒疾革戒諸子曰吾平生無愧俯仰
後汝曹居官主清治家主嚴奉先主敬叙族主恩造
次顛沛必主忠信能用吾言雖貧賤猶爲有德君子
官至朝奉大夫累贈金紫光祿大夫子二汝淇

汝字元魯以父佇蔭補官初調清流尉捕盜改秩知
將樂縣劍建俗生子多不舉汝令里正籍記家給錢
米活者萬數多有以傳名子者尋倅廣州帥司馬
以捕盜賊滿三獄申審覆奏動淹數月爲慮汝答曰
容某辦之請以三日俛喜顧未敢爲信然汝退召獄

吏分囚盜爲三一傷被主賊蒲一不傷被主賊蒲一無被主賊蒲次日引鞫具得其情遂白伋惟以傷被主賊蒲者申憲臺餘皆減等分遠近決配伋大喜曰公果辦此尋知貴州郡僚月俸積壓汶至悉撥錢還之張栻爲帥聞而賢之曰祇此一節便見施爲率部使者交薦而司馬伋召還薦汶亦力除提舉江西茶鹽事繼知德慶府所至以仁政稱

淇字元瞻舉進士調潮陽尉改秩知平陽秩蒲奏除幹辦諸司糧料院未嘗一跡權要門適臺諫空無人

孝宗閱班簿獨指淇名命奏事及入對敷奏稱旨卽除監察御史糾察庶務風采凜然孝宗喜曰此朕自

擢也于時孝宗有汎掃河洛之志常患儒臣謹畏特崇獎武臣以振起之乘間倖進者多以文階易武爵淇疏論其事孝宗悟卽日出其疏於外未幾遷太府少卿每因輪對勸上擇端愿誠慤之士以備官僚又言川廣去朝廷遠守臣不可輕畀皆見嘉納除中書門下簡正諸房公事時方擇專對使虜中批命淇未行除宗正少卿樞使王淮謂淇曰此行盡出淵衷及還孝宗詢比事甚悉淇具言河北河南之所以然稱是久之乞外除浙東提刑移節浙西除直龍圖閣改

知寧國府以母老力請便郡歸養遂易知泉州奉其
母九十之年以來臨郡郡人思其父佇卽縣廳西爲
堂繪佇像祀之光宗卽位起爲廣西提刑除知溫州
卒贈中奉大夫直龍圖閣莆田開國縣男

誠字至叔汝淇從子少從朱文公學所與交游率讀
書清介之士初調永春尉力辨陳介珪之寃與上官
忤因納告勅于憲臺求去介珪卒得直遷太常博士
真德秀時爲正字每數日輒相過談論古今事移晷
刻寧宗朝輪對言甚鯁切誠有子彥卿博學夭死哭
之傷性一日輪對間忽隕殿下縉紳咸悼惜之從弟
誠從子大聲

誠字友叔少孤母與兄督之讀書旣長事兄甚謹初
倅無爲軍召監六部門寧宗以丙寅伐金之後淮西
民多流徙知誠有材畧改除宗正寺簿將命往安集
之還朝又以誠熟於淮事擢淮西漕召爲司封卽中
遷尚左卽中尋被旨使北歸以疾卒

大聲字仲廣簿福清帥辛棄疾檄大聲往鞫問長溪
盜囚囚六十餘人大聲盡釋其株連者僅留十數人
于獄邑令不樂其反異斷諸胥券食囚糧皆不給大
聲自質衣食之及棄疾親按皆如大聲言調貴州教

師胡絃每稱之曰古君子也禮部尚書黃繇舉天下
 教官以大聲為第一改秩知武平縣催科不迫遷通
 判循州適寇發守稱疾大聲調發諸軍悉力鏖戰皆
 潰去未幾餘黨猖獗諸司專委大聲督捕乃上禦賊
 數策漕使劉強學以頒行廣東十四州遂薦攝州事
 尋奏為真闔城驩呼曰傳父再留矣在循四年民樂
 其政官蒲力乞官觀官至朝奉大夫子瑜通判靜江
 府

希龍字廷允與從兄權求同登第時號傳氏三龍知
 漳浦縣作興文教病學官山勢環繞水立鑿河引潮
 水自鹿溪入達儒學前人呼傳公河時二蔡當國不
 肯附麗崇寧間詔具元符上書姓名黨籍希龍預焉
 從子知柔

知柔推官循州賊曾少龍入境教民造兵具傷死者
 百餘人賊大潰去擢知龍巖縣處寇竊發聞其威名
 獨不敢犯調泉州僉判海寇林元仲猖獗帥臣葉夢
 得檄往招知柔出幟示賊賊盡降終朝請即福州僉
 判

陳次升字當時入太學時學官始得王安石字說招
 諸生訓之次升作而曰丞相秦學邪美商鞅能政而

爲李斯解事坐屏斥既第進士知安丘縣轉運使吳居厚以聚斂進檄尉罔征尉於農家得敗絮捕送縣次并縱遣之居厚怒將被以文法會御史中丞黃履薦爲監察御史哲宗立使訪察江湖舉劾蹇周輔父子經畫江右鹽法害民還言額外上供之數未除異日必有非法之斂願從熙寧以來創行封樁名錢悉賜豁免又役法未定人情熒惑乞速定差催及均數之等先爲之節而審行之提點淮南河東刑獄紹聖中復爲御史轉殿中時方編排元祐臣僚章䟽次并乞宣諭大臣遵守勅榜其餘一切不問不聽更懸厚賞以告藏匿次升再上言臣嘗觀漢光武誅王郎叔文書得吏人與卽交關毀謗數千章會諸將軍燒之曰令反側子自安後世以爲美談陛下初卽位揭榜許其自新是亦光武之意今又張官置局吹毛求疵是前之詔令乃所以誤天下後之敕榜又所以誑天下也昔周成王納史佚之言不食削桐之戲今御史臺榜示朝堂進奏院遍牒天下非特戲而已戲言尚踐豈有明旨可尚反乎初章惇蔡卞以次升在元祐間外遷意其不能無怨望卞又與同鄉故延賓憲府欲使出力助排衆賢而次升一無所附且上章論之

又及卞客周撞鄭居中繇是惇卞交惡次升乘間白
 出為河北轉運使帝曰次升敢言故不當去更進左
 司諫時當國者多誣謗英宗宣仁皇后次升一日奏
 事畢前言曰宣仁保佑聖躬功德巍巍若以姦人疵
 毀輒有議論不惟有虧聖德亦恐大失人心帝曰無
 之次升曰臣敢為陛下賀及帝遣呂升卿往察廣南
 次升又言陛下保全元祐臣僚今迺欲殺之何耶帝
 曰初無此意次升曰升卿迺惠卿弟元祐中負罪致
 仕其人資性慘刻善求人過今將使按於元祐臣僚

惡謫之地理無全宥於是升卿罷行劉元城曰陳當
 時有德於元祐人多矣次升累章劾章惇皆留中尋

為蔡卞所誣擬謫監全州酒稅帝以為遠改南安軍
 徽宗立召為侍御史極論惇卞曾布蔡京之惡皆坐
 竄逐建中靖國元年擢左諫議獻言六事多所規切
 尋出使契丹曾布進紹述之說於是徽宗決意用京
 使還降充集賢殿脩撰繼又除名徙建昌編管循州
 皆以論京卞故京罷相復寶文閣待制累官朝散大
 夫終真州私第年七十六

王回字景深第進士調松滋令荆沔俗用人祭鬼回
 捕治甚嚴其風遂革知鹿邑縣邑人狀其治行乞留

者萬餘人召爲宗正寺簿元符中葉祖洽薦爲睦親宅講書與鄒浩友善哲宗立劉賢妃爲后浩將論之密告回回曰事有大此者乎浩南遷人莫敢顧回歛交游錢與治裝往來經理且慰安其母邏者以聞逮詣詔獄御史詰之對曰實嘗預議不敢欺也因誦浩所上章幾二千言獄上除名停廢徒步出都門行數十里其子追及問以家事不答祖洽亦坐黜徽宗立召還舊官擢監察御史數日卒岑象求王覲賈易上章乞錄回子恤其家詔除子渙老郊社齋郎蔡京爲相奪之仍列名黨籍

陳開字發明熙寧進士調密州教授時蘇軾爲太守

深器重之諸生力留更七年乃代密州儒風之盛自開始後入爲太學博士召對進兩劄其一排新法其一去小人進君子言議激切出爲雄州通判尋除宗正寺丞官至朝奉大夫子畢元符三年登第

陳覺民字達野熙寧進士元祐間詔舉賢良方正林希錢勰以其名聞時方紛更神宗法度人莫敢言覺民力陳役法則乞復顧役邊事則乞勿棄地其言剴切知建陽縣荒政得民家畫像生祠之累遷宗正丞以母老乞補外歷知漳建二州擢福建路轉運判官

移知福州故樞密安惇與覺民先密後踈及居政府
 言者承惇意劾罷監東嶽廟尋起知泉州時有司建
 言欲摧六郡酷覺民陳五不可且移書約他郡同論
 其事遂寢尋遷本路提刑無三路都轉運使并提舉
 河渠以母年九十餘泣政于家以便侍養鄉人榮之
 復知泉州以右文殿修撰知廣州官至中奉大夫覺
 民風采嚴峻所至有治行兩為鄉部使者凡過郡邑
 未嘗與僚屬妄交一談子磷吏部郎中宋輔因論二
 蔡貶餘杭簿一曰餘姚尉

林豫字順之舉進士授惠安尉改集慶軍判官淮南
 賊嘯聚豫被推擢為漣水軍使多設耳目賊遂就擒
 餘黨入海州尋亦殄滅紹聖初時相以豫善謀議奏
 授內藏副使先是朝廷既棄地和戎至是復寇麟州
 豫建議謂宜先脩葭蘆米脂安羗浮屠諸寨通鄜延
 路以為麟州應援後卒行其議歷知保德軍邠州四
 年虜人撤霸橋深入除豫河北沿邊安撫使豫乘間
 興築虜人無能為召入陛對哲宗褒獎再三元符三
 年除鄜延路兵馬知鄜州黃河北決移守冀州盡收
 老弱幼穉廩以官粟募少壯者築堤厚與之傭崇寧
 二年以六宅使除真定府兵馬知邢州力議鈔面錢

陝西銅錢之弊及朝廷下東路折糴豫格不行數忤時宰期年罷去徽宗終思之大觀四年知邵武軍凡歷七郡悉有遺愛初豫受知於二蘇最深二蘇皆嘗薦之及軾以作詩譏切下御史獄豫適賜對神宗問所薦出誰豫曰蘇軾問何從識之曰臣道杭州識之客座曰是日有何談說曰臣子對語無非忠孝詞氣從容略不避忌輒貶惠州軾雷州豫餞輒詞有怒髮衝剋壯心比石之句爲章惇所恨左遷雲騎尉後竟坐二蘇所薦入元祐黨籍子師說師舜師臯師益

說字箕仲以父蔭屢當補官遜於從兄師文及弟師龍晚試銓曹第一調嚴州司士時青溪盜初平作

新寨聚兵驕甚郡請師說攝理官經畫之悍卒帖服遷知德化縣還道桐廬會賊發支邑民遮道乞留郡白之朝因改建德縣賊平倅新定虜犯二浙新定民大恐師說白郡將靜待之乃自擁十餘騎出城遇虜騎諜曰吾受命主帥以城降者賞師說叱折之曰吾不知賊乃有命與新定民嬰城死守累遷兵部員外郎知建昌軍丞相趙鼎力薦之拜廣東運判韓京以武將立功知循州頗驕慢師說論劾之後京謂人曰監司直須還此老第於我少恩爾除浙東提點刑獄

以忤權貴力請祠林光朝嘗言林郎中出語大率如
富鄭公徑截無表裡

師舜官至中大夫靖康中以守職不避虜盡室死難
師益師臯見弁韜志

黃顯少舉進士不求榮進以薦改秩歷提舉廣南西
路學知儋州凡四考從子沔

沔字朝宗元符中第進士徽宗竒其才嘗以江南豪
士稱之御筆擢編脩歷江淮荆浙福建廣南等路提
點坑冶使官至朝請大夫秘閣脩撰

張弼字舜元恬淡好學尤刻意於易以爲繫辭者聖
人所以翼易其大例當在於此乃置諸家傳註獨執
經誦之凡三十年釋然領悟不覺引鼓自槌窮日不
已久而益信推明爲書根象數原義理雖與前此談
易者異同而用於爻象之辭一字皆有所本有漢晉
易家所不到者紹聖初大臣以其名聞并上所著易
解九卷勅賜號葆光處士三年朝奉郎林伸等五百
十三人列薦于守帥部使者轉以上奏勅授福州司
戶叅軍充泉州學掾未赴卒

陳驥字德純歷宗學博士蔡京用事不肯一見注温
州通判以清白聞秩滿掛剋自號安處居士子豐

豐字宜仲以父蔭補官調建州戶曹長樂戶掾尋差
泉州教授丞相陳康伯薦除刪定勅令官會勅局方
有所纂修或勸其供職即得改秩豐以疾辭廟堂高
之次冬書成奏上改宣教郎累遷國子博士時宰執
皆知已豐每進見必推引寒峻未嘗及私適言路有
不相樂者與司業張洙國子李石國錄田興宗皆論
罷後起知惠州孝宗登極令諸路監司各舉循吏二
人豐居其首朝廷處以湖北提舉豐不欲遠去偶南
恩缺守俯就之政尚廉靜接物以誠適歲旱禱詞有
云願俾微臣特損數年之壽乞令闔境普沾三日之
霖果雨是歲卒官民爲巷哭立祠子二讜諒

讜字正仲年十二爲山寇掠去露刃脅之不爲動官
軍至賊驅迫以前讜伺間投峻崖下出弱冠入太學
力辭父恩以予第諒隆興初登進士簿甌寧教授泉
州累遷右司郎中除殿中侍御史因事論事不訐人
過卽有排擊無所傍及竟以忤時相意徙太常少卿
俄遷起居舍人力引退直寶謨閣奉祠歸居半載起
江西提刑召爲太常卿尋除兵部侍郎與韓侂胄書
極陳用兵利害畧不見聽遂乞外以集英殿脩撰知
寧國府未幾除敷文閣待制提舉江州太平興國宮

嘉定初元再乞致仕封清源郡侯年八十二卒贈通議大夫諱該貫群集賦詩屬文雅有典則尤工書法大書適勁處不減蔡君謨自少至老士林推重惟嘗攻僞學爲世所少

諒字友仲以父蔭補官調永春尉改簽書清海軍判官遷知古田縣一意撫字民號佛子及解歸以帑藏無贏幾爲司賦所沮朱文公爲言於帥曰陳宰廉吏也通判循州慶元初改知潯州郡舊無貢院士冒江灘附試于藤諒至始爲立院潯士德之辟知象州卒

于官

林宋卿字朝彥嘗從陳瓘楊時學登進士召試秘書省正字出知恭州時邊臣多以開拓蒙賞瀘南帥司因奏開溪費州南通辰沅西抵瀘戎置一州二縣夔梓二路聽其節制宋卿言得溪費地不足耕得溪費民不足治切恐生夷疑惑別致釁端若不杜窒則接武邊功者衆寧不斲喪六十州生民命脉徽宗覽奏詔罷役禡帥臣官以宋卿兼提舉夔州潼川府路兵馬都監仍知恭州爲恭民蠲宿逋二十萬八千四百五十餘緡米十五萬四千八百石恭人家繪像祠之官滿部使者薦宋卿乞畀再任徽宗曰是嘗奏罷溪

費州役者與之以寬朕西顧靖康中以煩言得旨衝
替僑寓涪陵之韓亭日與其士大夫唱酬自適涪人
以宋卿才學出處與黃太史相先後因號爲小涪尹
和靖見之曰溪費一奏皆自養氣中得之薦於張浚
浚辟叅謀軍事力辭建炎三年詔四川監司舉流寓
之才能者以聞涪守王擇仁首薦宋卿遂召赴闕河
北帥臣復奏薦宋卿得旨差充湖南帥司叅議浚視
師江上欲以宣撫判官辟宋卿復辭浚還朝首薦之
蒙召力乞祠終朝請大夫子蒙亨見韋布蒙亨子有
之

有之字公佶授賀州司法教民作棟宇以代茅竹屋
賀人有棟宇以居自有之始調肇慶司理獄訟平允
郡守賢之命攝教官條利病六事以獻守轉聞于上
允之劄示二廣民蒙其惠改知古田縣通判建昌軍
攝郡總所綱運不辦有之積俸錢補發秩蒲知南雄
州卒官終朝散郎

陳太和字德容知象州虛心聽訟以盡民情三年績
最終瓊州經畧安撫使

林正字明輔宋九牧藻七世孫高祖父煥太子校書
曾祖儻協律郎正釋褐及第歷嚴州福州濟南府尋

除廣西提刑陳感者海上劇賊也正親至招諭感遂
出迎因盡散其脅從數千親押首領數十人歸于桂
林及奏功自屬官使臣以下各遷官正獨不受遂除
兩浙運判累遷左司郎中卒子一鳴侄一鶚

一鳴字聞卿累遷戶部左曹郎官尋以煩言去國與
林豸爲忘年交講論倡酬畧無干進意起知南雄州
以母老丐祠未幾丁母憂服闋知惠州請發常平倉
賑饑奏罷病民者十數事爲文諭民力學種麥墾荒
田脩陂塘去喪樂禁屠牛秩滿圖書數篋而已改知
常德府官至朝請大夫子灃

灃字同叔爲建州幕庶勤自持朱文公嘉其操行書
間往復相期甚厚知崇安縣清靜不擾縣圃產芝池
蓮雙花並蒂歲以大稔縣丞楊霓爲記其事民立祠
曰林長官

一鶚字雲卿父歿廬墓知南豐縣頌聲載道擢審計
院出通判江州官至奉郎子渙知都昌縣孫大有見
韋布曾孫雷龍

雷龍字伯雨咸淳初預鄉薦僞遊寇起逃難郡城北
山方應發檄爲錄事參軍遷莆令尋以宣教郎通判
興化軍至元改物以治中署郡事年餘棄去自號清

陽書 卷之二十一 三
逸處士雷龍博通經史天文地理貫穿融液工詩及
字書有耕吟前稿醉吟漫吟後稿

蘇洸字澄老父欽德化人見德化後欽自德化徙仙
遊遂爲仙遊人洸以父蔭補官調餘干尉丞相趙汝
愚其邑人也喜洸廉介有守折節與交改知臨川縣
秩蒲質錢治裝擢倅賓州張栻帥桂林檄攝倅帥府
又攝高州極薦其廉經略劉淳繼至檄攝桂府武弁
陳姓者以鬻爵爲邊吏交通諸蠻納賄巨萬事覺逮
獄當路有爲地者屬洸治之卒正典刑一府肅然除
知雷州秩蒲赴闕面陳三劄孝宗嘉納除知新州陞
辭賜對便殿又陳二劄孝宗稱善又之趣之郡比至
百姓歡迎歌曰蘇使君來何晚使我夜不寐朝不飯
州賦額儉帑無羨餘月給廩俸皆先屬吏去日持空
券出嶺而已移封州首請減放丁米及經制無額之
數丁內艱服除知辰州尋退休年七十八卒洸胷次
坦夷表裏洞徹爲政惟務興利除害故所至民安所
去民思子權

權字元中少侍父倅賓州從張南軒學登淳熙第調
梧州推官帥蔡戡聞權世有廉名檄攝帥屬調三山
教官訓迪不倦改秩知餘干洸舊治也終辰州守有

春秋解三卷子國台從瓜山潘柄講學從孫三英早
登洪天錫徐明叔之門克世其家

陳可大字齊賢父汝器家居積善貲產遜兄一夕飛
錢蒲戶可大登政和進士再調泉州工曹開釋強盜
七人明其非辜知長樂縣大脩陂塘縣人紀之後知
肇慶府去日衣衾書籍而已侄子冲飛

冲飛字季翼調寧德尉經學該貫尤精於易曹鹵噐
其才名不敢日以屬吏子堯道

堯道初以忤權相去國後繇太府丞擢秘書郎除監
察御史累遷侍御史拜右諫議大夫奉祠有大學中
庸說及平湖文集

陳吉老字子州祖浩父無逸相繼登第吉老以父任
補官少通春秋三傳學孫吳兵法慨然志事功紹興
初虜騎寇淮汀贛辟盜竊發辟吉老清流丞贛寇萬
餘侵掠郡境吉老整衆而誓皆感奮大破之後與胡
保鍾花寇戰武平長子希造先登死焉吉老悉衆長
驅竟殲其黨比還郡將以下迎勞爲吉老惻然吉老
笑曰馬革裹屍南八男兒吾兒得死所矣又奚足悲
自是賊徒戢遁不敢犯汀界六邑爭像祀其父子陞
本州別駕召除京東提刑收復宿亳徐海四州入對

條陳五事高宗曰且為朕綏懷京淮民尋除揚州安撫使賜鞍馬金帶御前大力以寵其行吉老始至嚴關渡之禁創策應之法樽節郡計大脩州城捐俸助費又遣仲子希錫取延陵私租市汀布為軍裝時韓世忠守楚州與吉老厚善吉老奏乞命世忠來相其役從之不數月事集嘗書白其母尹氏曰渾家飽煖盡是國恩萬一總師恢復自當効節又書付希錫于吾儻死邊汝他日出官不得取俸外錢謂之有例上負君父下辱祖先秦檜當國力主和議吉老累疏爭辨請乞罷斥之自任恢復之期乞行專責御筆褒答未幾卒高宗聞之嘆息累贈中散大夫子希造與希造字賢御以父蔭補官吉老教子詩書之暇必令讀百將傳習騎射每曰中原擾擾正臣子捐軀報國之秋非文武無資未易了此虜陷京口希造年十六被虜至北庭命其牧馬一日北師南向希造擇平時所調御最良之馬疾馳而歸父益奇之每日為定亂器調揚州錄叅紹興初侍父臨汀每戰必前屢奏凱捷明年賊復入寇乘勝深入應接不至遂没于义竿口朝廷褒其忠節特贈承事郎累贈奉直大夫子光祖



希與字賢可以父任補官爲兩浙運司幹官應得朝
賞皆不陳乞葉顥陳俊卿相繼當國皆希與親友未
嘗一造其門終梅陽太守

光祖字世德以父死事補官德行政事皆有尺律知
英德府奏蠲上供泛輸以寬民力改知邕州州歲市
峒蠻馬給邊有奉議坊峒蠻預爲措置而官擅移其
利於他峒遂開釁端互市不通光祖以恩信招徠給
至溢數峒首李萬久爲邊患密遣思明州誘而擒之
皆帖息事聞除廣東提刑作欽恤編以戒僚屬新瀛
溪祠以崇教道捐故錢三千緡以代給邕兵之廩凡
一切無名之征奏悉蠲除積官朝奉郎子沂

沂字伯澡以父官新州推官與太守爭死獄竟獲譴
罷去少篤志文公之學徧叅劉燭廖德明李方子楊
至蔡淵蔡沉諸先而卒業陳淳之門陳門推沂爲嫡
嗣以貫名齋淳爲之記曾氏父子之學參也由貫以
達一點也游心於一而不必實以貫伯澡始慕點名
沂今復以貫名齋以上達爲高覺點之病而欲叅之
下學以實之予嘉其立志之審而用功之有序也
鄭知微祖振見閭巷以朝請大夫通判舒州紹興元
年賊劉忠入其境執知微知微不屈忠怒而食之

陳大亨字文通爲人清勁歷五任貧無居屋惟寓僧舍官至泉州通判

蔣雖字元肅少博學強記下筆輒數千言曲盡其妙鄉先輩宋藻舉經傳扣雖隨問隨答每以南方夫子稱之設席郡庠戶履常滿與林光朝同時十人俱知名號莆陽十先生登進士教授泉州守王十朋見其文大嘉賞識雖因作夢仙賦以獻十朋曰長鄉大人太白大鵬之比也又撰時政十議十朋嘆曰此經世之文矣後知江陰軍再知通州以郡人張次山坐與程明道邵康節同好惡得罪及陳瑩中任德翁嘗遷謫于此合爲堂祀之扁曰三賢以厲風俗秩滿入覲首言江東鹽課較之淳熙七年出入之數虧二萬緡主筴者方以衍課增秩上矍然曰某人欺朕因訪本末雖口誦指畫應對如響上曰鄉材通練合以藩郡處鄉雖拜謝上目其背方面材也將除贛州爲宰執所沮退居樸鄉十餘年凡四請祠以壽終子祈從子有秋

祈字子舉以父任補官僦儻博洽與方信王居安爲密友嘉定元年借朝奉郎克持書金國軍前副使三至虜帳議和請還淮陝侵地和議成朝廷方推賞與

改合入官循十一資而沂卽世矣有蚍蜉集十卷
有秋字力父與王邁同年最相友善居官所至有廉
名終朝奉郎知永春縣

留洪字叔厚從効裔孫歷知德慶府有晉康文集三十卷

丘真字明遠紹興初詔舉山林遺逸有謀議可裨國
事者郡以真充選進書數十萬言皆恢復之策得旨
堂察見丞相呂頤浩上劄二十餘頤浩大奇之屬淮
甸有警頤浩都督八路真以布衣入幙有功奏授迪
功郎除湖北安撫使司幹辦公事丞相張浚辟充都

營田幹官改秩除二京宣諭司幹官時逆賊王

威寇畧郡縣真請於宣諭方庭實單騎造威寨賊露
刃以俟真撫諭有方皆羅拜歸順後劉錡帥荆南奏
辟幙下嘗與論兵錡喜曰吾生長兵間知兵惟子子
天授也一日沅州解降囚四十餘人闔府咸謂宜殺
真曰溪洞嘯聚間或有之旣降而殺永絕招懷信者
萬世乾坤也錡曰叅議當於古人求之奏貸其死分
隸諸軍後多立功至顯官者除登門鼓院因言事忤
權臣出守真州累贈中大夫子微之從孫杞
微之字夢錫授番禺尉嘗有監扶胥鎮者以權稅苛

取爲豪民訐于漕使命微之庶其事微之謂武人舉
事動觸憲典理在可恕委曲具上漕使曰丘尉長者
也官至循陽通判
杞知真州紹興間與鄉人爲忠義社以自固與山寇
力戰死於陣

林彖字商卿幼孤隨母鞠於外祖陳次升家以故得
盡讀六經百氏之書多聞元祐名臣出處大節與宋
累朝典故後僑居真州又得事劉安世任伯雨陳瓘
諸公而與任申先象先兄弟爲忘年友紹興初嘗爲
簽樞徐俯禮致而終不受其薦奉母歸閩菽水盡歡
毋沒終喪寓居僧舍不謀婚娶不問家事不接俗人
不談世務隆興元年春監司帥臣列薦召赴行在力
以疾辭其秋丞相陳康伯樞密黃祖舜令監司郡守
敦促之復引疾不就於是陳孝則林孝澤等相繼率
數百人以彖名聞參政周葵爲轉上之詔再促召亦
不赴乾道四年特與進士出身添差興化軍教授未
一考卒年七十

林肅字恭之少有文名從遊林光朝之門試教官科
中首選調臨安府學教授卒

余元一字景思娶黃勉齋女弟因得親炙朱文公知

同安縣政號清嚴終池州通判弟崇龜

崇龜字景望與兄元一同登進士歷官司農丞賜對便殿除秘書丞兼權工部郎官時韓侂胄專權蘇師旦寄聲邀崇龜一見崇龜曰歸潔吾身可也丐補外知江州歲旱舉家蔬食爲民祈禱已果應累遷樞密院簡詳文字侂胄敗丞相史彌遠奏曰自權臣專政士夫趨附中立不倚朝士獨崇龜一人卽日除監察御史入奏言名器冗濫之弊士大夫卑陋之習其言切至嘉定改元令侍從臺諫議北虜議和要求韓侂胄函首事廷臣盡主其議崇龜謂侂胄誠罪函首送虜辱國矣遂不預議尋除兵部侍郎兼權給事中卒

子曰華

日華字君實歷知潮陽縣以除強宗不勝爲所陷潮人惜之嗜詩史工文翰所居有擷英閣藏書萬卷法書名畫叅錯其間

陳夢烈舉進士調連江尉海寇犯境親登賊舟捕之擢知尤溪縣之財計取辦鬻鹽乃家給一牌寬立限期俾自輸納民以爲便授兩浙運管除知建昌軍陞辭言州郡兵財利害奏對如響卒于官

鄭勲字景固端平二年知博羅縣先是廣州摧鋒軍

遠戍建康四年北歸留戍江西又四年轉戰皆捷而
上功幕府不報求撤戍又不報統領熊喬部下卒魯
忠遂倡亂焚掠州境長驅西下或勸勲避其鋒勲曰
見賊而去如吾民何須待熊統軍至諭遣之賊至喬
已逸勲諭之不從正色叱之遂遇害事聞贈朝奉郎
官一子邑人祠之靈跡甚著漕使以聞勅賜額曰惠

澤

陳珙字子重歷復州教授除永春丞時秤提楮幣郡
守真德秀檄珙行之區處有方人賴無擾德秀愛之
俾入郡幙授西外睦宗院教授尋知永春屬庚寅汀
寇焚蕩之後朝旨蠲租州縣以支吾窘逼不克奉行
珙樽節月會杜苞苴之費爲錢八千緡以補之遷兩
浙路運管卒

王邁字實之爲潭州觀察推官丁內艱調浙西安撫
司幹官考廷試詳定官王元春欲私所親寘高第邁
顯擿其繆元春怒嗾諫官李知孝誣邁語殿廬聲高
免官調南外睦宗院教授真德秀方守福州邁竭忠
裨郡政赴都堂審察丞相鄭清之曰學官掌故不足
浼君俄召試學子院策以楮幣邁援據古今考究本
末謂國貧楮多弊始於兵議者徒患楮窮弗懲兵禍

今當以核軍實室邊釁爲揅楮幣第一義又言脩內
司廣營繕內帑宣索多厚施緇黃濫予嬪御未見裁
樽徒聞有括田權鹽之議向使二事可行故相行之
久矣又因楮以及時事言君子之類雖進而道未行
小人之迹雖屏而心未服真德秀病危聞邁對善之
帝再相喬行簡或傳史嵩之復用邁言舊相姦愴刻
薄天下所知復用則君子空於一網矣天下之相宜
與天下共謀之又言吳知古陳洵益撓政輪對言君
不可欺天臣不可欺君厚權臣而薄同氣爲欺天之
著邁由踈遠見理宗空臆無隱理宗爲之改容言者
劾邁論邊事過實魏了翁侍經筵爲理宗言惜邁去
改通判漳州禋祀雷雨應詔言天與寧考之怒久矣
麴蘖致疾妖冶伐性初秋踰旬曠不視事道路憂疑
天與寧考所以怒也隱刺覆絕攸熺尊寵綱淪法斲
上行下效京率外兵狂悖迭起天與寧考所以怒也
陛下不是之思方用漢災異免三公故事環顧在廷
莫知所付遙相崔與之臣恐與之不至政柄他有所
屬此世道否泰君子小人進退之機於是臺官李大
同言邁交結德秀了翁及洪咨夔以收虛譽削一秩
免蔣峴劾邁前䟽妄論倫紀請坐以非所宜言之罪

削二秩久之復通判贛州改福州建康府信州皆不行淳祐改元通判吉州右正言江萬里袖疏榻前曰邁才可惜不卽召之將有老不及用之歎理宗方然忽有尼者遂止知邵武軍亢旱求言驛奏七事而以撤龍翔宮立濟王後爲先歲饑作勸糶歌勸富家出廩制置杜杲自江右載米數千斛歸聞歌卽減直鬻之民賴以濟鄭清之再相以左司郎官召力辭以直秘閣提點廣東刑獄亦辭改侍右郎官諫官焦炳炎論罷予祠卒贈司農少卿邁嘉定丁丑第四人及第劉後村贈之辭云天壤玉卽數人物方今第一談笑裡風霆驚坐雲煙生筆落落元龍湖海氣琅琅董相天人策又嘗貽邁啓朱雲折檻諸公慙請劍之言陽子哭庭千載壯裂麻之語一葉身輕何去之勇六丁力盡而挽不回有謫仙人駿馬名姬之風無杜少陵冷炙殘盃之態麗人歌陶秀實郵亭之曲好事繪韓熙載夜宴之圖擁通德而著書命便了以沽酒蓋邁進則忠鯁退則豪俠元龍太白一流人也

海陽尉

鄭鼎新字中實知晉江縣建問政堂輯論語書言繫

政治者書之堂壁建縣學文宣王廟闢尊道堂真德
秀守泉殊敬重之尋通判處州監右藏東庫遷國子
書庫授都大提管卒昂新少受業黃榦之門而與楊
復游嘗考究禮書成編名曰禮學舉要文撰禮學從
宜集其卒也違命治喪一以儀禮從事
丘獻字渭夫少嗜讀書尤明周禮官終大理寺司直
爲人長厚處僚友無間


洪天賦字無從祖中國子司業勇退不仕天賦幼敏
悟通六經應童子科登寶慶進士歷知陽江古田連
江三縣通判循州聽訟不施鞭朴諄諭理道民胥向
化從弟處厚

處厚祖忠見韋布志父範大觀進士處厚以範蔭調
欽州守倅互相詆訾置獄禁于連百餘
人連歲不決處厚審讞悉得其情盡釋之憲使大喜
再任漳浦縣尉

謝升賢字景芳少篤義理之學舉進士官至興寧令
所著有太極西銘說易通庸學語孟解大意皆推本
朱文公之書嘗曰欲遡道之所出以究其終則必先
三書而後四書欲窮道之所入而反其始則必先四
書而後三書

尤彬字叔文家貧苦學攻詞賦有聲一時名士如林
 澧葉堂王邁陳立伯損伯傳澄皆與為師友終真陽
 主簿

陳之亮字漢傑工詞賦與王矚軒友後學多宗師之
 官調歸善簿



寬政戊午

